

ओं नमः परमात्मने, श्री महागणपतये नमः,

श्री गुरुभ्यो नमः, हरिः ओं

कृष्ण यजुर्वेदीय तैत्तिरीय संहिता

पद पाठः (वाक्य सहित)

तृतीयकाण्डे पञ्चमः प्रश्नः

**Notes:**

- Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
- Please download our vedic compilations from our web site [www.vedavms.in](http://www.vedavms.in)

---

## **Version Notes:**

**This is now the current Version 2.0 dated June 30, 2024.**

1. This replaces the earlier version 1.1 dated Sep 30, 2022.
2. This version has been updated with the errors found and reported till June 15, 2024.
3. Required convention, style and presentation improvements or standardisations has been done wherever applicable.
4. In this Compilation the Samita Vaakyams have been suitably aligned, synchronised and refurbished in line with “Pada Paatam”.

## **Earlier Versions**

1st	Version Number	0.0 dated 31st Jan 2019
2nd	Version Number	0.0 dated 31st July 2019
3rd	Version Number	1.0 dated 30th Nov 2020
4th	Version Number	1.1 dated 30th Sep 2022

---

## Table of Contents

3 कृष्ण यजुर्वेदीय तैत्तिरीय संहितायं पद पाठे तृतीयं  
काण्डं.....4

3.5 तृतीयकाण्डे पञ्चमः प्रश्नः – इष्टिशेषाभिधानं.....4

ओं नमः परमात्मने, श्री महागणपतये नमः, श्री गुरुभ्यो नमः

हरिः ओं

### 3 कृष्ण यजुर्वेदीय तैत्तिरीय संहितायं पद पाठे तृतीयं

#### काण्डं

#### 3.5 तृतीयकाण्डे पञ्चमः प्रश्नः – इष्टिशेषाभिधानं

##### TS 3.5.1.1

पूर्णा पश्चादुत पूर्णा पुरस्तादुन्मद्ध्यतः पौर्णमासी जिगाय ।  
तस्यां देवा अधि सँवसन्त उत्तमे नाक् इह मादयन्तां ॥  
यत्ते देवा अदधुर् भागधेयममावास्ये सँवसन्तो महित्वा ।  
सा नो यज्ञं पिपृहि विश्ववारे रयिं नो धेहि सुभगे सुवीरं ॥  
निवेशनी सङ्गमनी वसूनां विश्वा रूपाणि वसून्यावेशयन्ती ।  
सहस्रपोषं सुभगा रराणा सा न आ गन् वर्चसा – [ ] 1

##### TS 3.5.1.1 - Padam

पूर्णा । पश्चात् । उत । पूर्णा । पुरस्तात् । उदिति । मद्ध्यतः ।  
पौर्णमासीति पौर्ण – मासी । जिगाय ॥ तस्याम् । देवाः । अधीति ।

सँवसन्त॑ इति॑ सं – वसन्तः॑ । उत्त॑म इत्युत् – तमे॑ । नाके॑ । इह॑ ।  
माद॑यन्ता॒म् ॥ यत् । ते॑ । दे॒वाः । अ॒दधुः॑ । भा॒गधे॒यमि॑ति॒  
भा॒ग – धे॒यम् । अ॒मावा॑स्य इत्य॒मा – वा॒स्ये । सँवसन्त॑ इति॑  
सं – वसन्तः॑ । म॒हि॒त्वेति॑ म॒हि-त्वा ॥ सा । नः॑ । य॒ज्ञम् । पि॒पृ॒हि ।  
वि॒श्ववा॑र इति॑ वि॒श्व – वा॒रे । र॒यिम् । नः॑ । धे॒हि । सु॒भ॒ग इति॑  
सु – भ॒गे । सु॒वी॒रमि॑ति सु – वी॒रम् ॥ नि॒वेश॑नीति॒ नि – वे॑शनी ।  
स॒ङ्ग॒म॒नीति॑ सं – ग॒म॒नी । व॒सूना॑म् । वि॒श्वा । रू॒पाणि॑ । व॒सूनि॑ ।  
आ॒वे॒श॒यन्ती॑त्या – वे॒श॒यन्ती ॥ स॒ह॒स्र॒पोष॑मि॒ति स॒ह॒स्र – पो॒षम् ।  
सु॒भ॒गेति॑ सु-भ॒गा । र॒रा॒णा । सा । नः॑ । ए॒ति । ग॒न् ।  
व॒र्च॒सा । 1 (50)

### **TS 3.5.1.2**

सँवि॒दाना ॥

अ॒ग्नी॒षोमौ॑ प्र॒थ॒मौ वी॒र्ये॑ण व॒सून् रु॒द्रा॒नादि॑त्या॒निह॑ जि॒न्वतं॑ ।  
मा॒द्ध्य॑ हि पौ॒र्ण॒मा॒सं जु॒षे॒थां ब्र॒ह्म॒णा वृ॒द्धौ सु॒कृ॒तेन॑  
सा॒ताव॑थाऽस्म॒भ्य॑ सह॒वी॒रा॑ र॒यिं नि॑ यच्छतं ॥

आ॒दि॒त्याश्चा॒ङ्गि॒रस॒श्चा॒ग्नी॒नाऽद॒धत॒ ते द॒र्श॒पूर्ण॒मा॒सौ प्रै॒प्सन्  
तेषा॒मङ्गि॒रसां॒ निरु॒प्तं॑ ह॒विरा॒सीद॒थाऽऽदि॒त्या ए॒तौ  
हो॒माव॒पश्यन्॑ ताव॒जुह॒वुस्ततो॒ वै ते द॒र्श॒पूर्ण॒मा॒सौ – [ ] 2

**TS 3.5.1.2 - Padam**

सँ॒वि॒दा॒नेति॑ सं – वि॒दा॒ना ॥ अ॒ग्नी॒षो॒मावि॒त्यग्नी॑ – सो॒मौ । प्र॒थ॒मौ ।  
वी॒र्ये॑ण । व॒सून् । रु॒द्रान् । आ॒दि॒त्यान् । इ॒ह । जि॒न्व॒तम् ॥ मा॒द्ध्यम् ।  
हि । पौ॒र्ण॒मा॒समि॒ति पौ॒र्ण – मा॒सम् । जु॒षे॒थाम् । ब्र॒ह्म॒णा । वृ॒द्धौ ।  
सु॒कृ॒तेने॑ति सु – कृ॒तेन॑ । सा॒तौ । अथ॑ । अ॒स्मभ्य॒मि॒त्यस्म॒भ्यम् ।  
स॒ह॒वी॒रामि॑ति स॒ह–वी॒राम् । र॒यिम् । नी॒ति । य॒च्छ॒तम् ॥ आ॒दि॒त्याः ।  
च । अ॒ङ्गि॒रसः॑ । च । अ॒ग्नीन् । ए॒ति । अ॒द॒धत॑ । ते ।  
द॒र्श॒पूर्ण॒मा॒सावि॑ति द॒र्श – पूर्ण॒मा॒सौ । प्रे॒ति । ऐ॒प्सन् । तेषा॑म् ।  
अ॒ङ्गि॒रसाम् । निरु॒प्तमि॑ति निः – उ॒प्तम् । ह॒विः । आ॒सीत् । अथ॑ ।  
आ॒दि॒त्याः । ए॒तौ । हो॒मौ । अ॒प॒श्यन् । तौ । अ॒जु॒ह॒वुः । ततः॑ । वै ।  
ते । द॒र्श॒पूर्ण॒मा॒सावि॑ति द॒र्श – पूर्ण॒मा॒सौ । 2 (50)

**TS 3.5.1.3**

पूर्व॑ आ॒ ऽल॒भन्त॑ दर्॒शपूर्ण॑मा॒सा-वा॒लभ॑मान॒ एतौ॑ होमौ॑  
पुर॒स्ता॒ज्जुहु॑याथ् सा॒क्षादे॒व दर्॒शपूर्ण॑मा॒सावा॒ लभ॑ते ब्रह्म॒वादि॑नो॒  
वद॑न्ति स त्वै॑ दर्॒शपूर्ण॑मा॒सावा॒ लभे॑त य ए॒नयो॑रनु-लोम॒ञ्च  
प्रति॑लोम॒ञ्च वि॒द्यादि॑त्यमा॒वास्या॑या ऊ॒र्द्ध्वं तद॑नुलो॒मं पौ॑र्णमा॒स्यै  
प्र॒तीची॒नं तत् प्रति॑लो॒मं यत् पौ॑र्णमा॒सीं पूर्वा॑मा॒लभे॑त  
प्रति॑लो॒ममे॒नावा॒ लभे॑तामु॒मप॑क्षीयमाण-मन्व॒ष - [ ] 3

**TS 3.5.1.3 - Padam**

पूर्वे॑ । एति॑ । अ॒ल॒भन्त॑ । दर्॒शपूर्ण॑मा॒सावि॑ति दर्॒श - पूर्ण॑मा॒सौ ।  
आ॒लभ॑मान॒ इत्या॑-लभ॑मानः । एतौ॑ । होमौ॑ । पुर॒स्तात् । जुहु॑यात् ।  
सा॒क्षादि॑ति स - अ॒क्षात् । ए॒व ।  
दर्॒शपूर्ण॑मा॒सावि॑ति दर्॒श - पूर्ण॑मा॒सौ । एति॑ । ल॒भ॒ते ।  
ब्रह्म॒वादि॑न इति॑ ब्रह्म - वा॒दिनः॑ । वद॑न्ति । सः । तु । वै ।  
दर्॒शपूर्ण॑मा॒सावि॑ति दर्॒श - पूर्ण॑मा॒सौ । एति॑ । ल॒भे॒त । यः ।  
ए॒नयोः॑ । अ॒नुलो॒ममि॑त्यनु - लो॒मम् । च ।

प्र॒ति॒लो॒म॒मि॒ति॒ प्र॒ति॒ – लो॒मम् । च॒ । वि॒द्यात् । इति॑ ।  
 अ॒मा॒वा॒स्या॒या॒ इत्य॑मा – वा॒स्या॒याः । ऊ॒र्ध्वम् । तत् ।  
 अ॒नु॒लो॒म॒मि॒त्यनु॑ – लो॒मम् । पौ॒र्ण॒मा॒स्या॒ इति॑ पौ॒र्ण – मा॒स्यै ।  
 प्र॒ती॒ची॒नम् । तत् । प्र॒ति॒लो॒म॒मि॒ति॒ प्र॒ति॒ – लो॒मम् । यत् ।  
 पौ॒र्ण॒मा॒सी॒मि॒ति॒ पौ॒र्ण – मा॒सीम् । पूर्वा॑म् । आ॒ल॒भे॒तेत्या॑ – ल॒भेत॑ ।  
 प्र॒ति॒लो॒म॒मि॒ति॒ प्र॒ति॒-लो॒मम् । ए॒नौ । ए॒ति॒ । ल॒भेत॑ । अ॒मुम् ।  
 अ॒प॒क्षी॒य॒मा॒ण॒मि॒त्यप॑ – क्षी॒य॒मा॒णम् । अनु॑ । अ॒पे॒ति॒ । 3 (50)

#### TS 3.5.1.4

क्षी॒येत॑ सा॒र॒स्व॒तौ हो॒मौ पु॒र॒स्ता॑ज्जु॒हु॒या॒द॒मा॒वा॒स्या॒ वै  
 स॒र॒स्व॒त्यनु॑लो॒म॒-मे॒वैना॒वा ल॒भते॑ ऽमु॒मा॒प्या॒य॒मा॒न॒मन्वा॑ प्या॒यत॑  
 आ॒ग॒ना॒वैष्ण॑व॒-मे॒का॒द॒श॒क॒पा॒लं पु॒र॒स्ता॑न्निर्व॒पे॒थ् स॒र॒स्व॒त्यै च॒रु॑  
 स॒र॒स्व॒ते द्वा॒द॒श॒क॒पा॒लं य॑दा॒ग्ने॒यो भ॑व॒त्यग्नि॑र्वै य॒ज्ञमु॑खं  
 य॑ज्ञ॒मु॒ख॒मे॒वर्द्धि॑ पु॒र॒स्ता॑द्-ध॒त्ते यद्-वै॑ष्ण॒वो भ॑व॒ति य॒ज्ञो वै  
 वि॒ष्णु॑र्य॒ज्ञ॒मे॒वाऽऽ\*र॑भ्य प्र त॒नु॒ते स॒र॒स्व॒त्यै ( ) च॒रु॑र्भव॒ति स॒र॒स्व॒ते  
 द्वा॒द॒श॒क॒पा॒लोऽमा॒वा॒स्या॒ वै स॒र॒स्व॒ती पू॒र्ण॒मा॒सः स॒र॒स्वा॒न् ता॒वे॒व



सा॒क्षादा॒ र॒भत॑ ऋ॒द्ध्नो॒त्याभ्यां॑ द्वा॒दश॑क॒पालः॑ सर॒स्वते॑ भवति  
मि॒थुन॒त्वाय॑ प्र॒जात्यै॑ मि॒थुनौ॑ गा॒वौ दक्षि॑णा॒ समृ॑द्ध्यै ॥ 4

**TS 3.5.1.4 - Padam**

क्षी॒येत॑ । सा॒र॒स्वतौ॑ । हो॒मौ । पु॒रस्ता॑त् । जु॒हुया॑त् ।  
अ॒मा॒वा॒स्येत्य॑मा-वा॒स्या । वै । सर॒स्वती॑ । अ॒नु॒लो॒ममि॑त्यनु-लो॒मम् ।  
ए॒व । ए॒नौ । ए॒ति । ल॒भते॑ । अ॒मुम् ।  
आ॒प्याय॑मा॒नमि॑त्या - प्या॒यमा॑नम् । अनु॑ । ए॒ति । प्या॒यते॑ ।  
आ॒ग्ना॒वैष्ण॑वमि॒त्याग्ना॑ - वैष्ण॒वम् ।  
एका॑दशक॒पालमि॑त्येका॒दश-क॒पालम् । पु॒रस्ता॑त् । नि॒रिति॑ । व॒पेत् ।  
सर॒स्वत्यै॑ । च॒रुम् । सर॒स्वते॑ । द्वा॒दश॑क॒पालमि॑ति द्वा॒दश-क॒पालम् ।  
यत् । आ॒ग्नेयः॑ । भव॑ति । अ॒ग्निः । वै । य॒ज्ञमु॒खमि॑ति य॒ज्ञ-मु॒खम् ।  
य॒ज्ञमु॒खमि॑ति य॒ज्ञ-मु॒खम् । ए॒व । ऋ॒द्धिम् । पु॒रस्ता॑त् । ध॒त्ते । यत् ।  
वैष्ण॑वः । भव॑ति । य॒ज्ञः । वै । विष्णुः॑ । य॒ज्ञम् । ए॒व ।  
आ॒र॒भ्येत्या॑ - र॒भ्य । प्रे॒ति । त॒नुते॑ । सर॒स्वत्यै॑ ( ) । च॒रुः । भव॑ति ।  
सर॒स्वते॑ । द्वा॒दश॑क॒पाल इति॑ द्वा॒दश-क॒पालः॑ ।

अ॒मा॒वा॒स्ये॒त्य॒मा – वा॒स्या॑ । वै । सर॑स्वती । पू॒र्ण॒मा॒स इति॑  
 पू॒र्ण – मा॒सः । सर॑स्वान् । तौ । ए॒व । सा॒क्षा॒दि॒ति स – अ॒क्षात् ।  
 ए॒ति । र॒भ॒ते । ऋ॒द्ध्य॑नोति । आ॒भ्याम् । द्वा॒द॒श॒क॒पा॒ल इति॑  
 द्वा॒द॒श – क॒पा॒लः । सर॑स्वते । भ॒व॒ति । मि॒थु॒न॒त्वा॒ये॒ति  
 मि॒थु॒न – त्वा॒य । प्र॒जा॒त्या इति॑ प्र – जा॒त्यै । मि॒थु॒नौ । गा॒वौ ।  
 दक्षि॑णा । समृ॑द्ध्य॒ इति॑ सं – ऋ॒द्ध्यै ॥ 4 (75)

(वर्च॑सा – वै ते द॑र्शपूर्णमासा – व॒ष – तनु॑ते सर॑स्वत्यै –  
 पञ्च॑विंशतिश्च) (A1)

### TS 3.5.2.1

ऋ॒ष॒यो वा इन्द्रं॑ प्र॒त्यक्षं॑ नाप॑श्यन् तं व॑सिष्ठः प्र॒त्यक्ष॑मप॑श्यत्  
 सोऽब्र॑वीद्-ब्रा॒ह्म॒णं ते वक्ष्या॑मि यथा॒ त्वत्पु॑रोहिताः प्र॒जाः  
 प्र॒ज॒नि॒ष्यन्ते॑ऽथ मे॒तरे॑भ्य ऋ॒षि॑भ्यो मा प्र वो॑च इति॒ तस्मा॑  
 ए॒तान्ध॑स्तोम॒भागा॑नब्रवीत् ततो॑ वसिष्ठपु॒रोहि॑ताः प्र॒जाः प्रा॒जाय॑न्त  
 तस्मा॑द्-वा॒सि॒ष्ठो ब्र॒ह्मा का॒र्यः प्रै॒व जा॑यते र॒श्मि॑र॒सि क्ष॑याय  
 त्वा क्ष॑यं जि॒न्वे – [ ] 5

**TS 3.5.2.1 - Padam**

ऋ॑षयः । वै । इन्द्र॑म् । प्र॒त्यक्ष॑मि॒ति॒ प्रति॑ – अक्ष॑म् । न । अ॒प॒श्यन् ।  
तम् । वसि॑ष्ठः । प्र॒त्यक्ष॑मि॒ति॒ प्रति॑ – अक्ष॑म् । अ॒प॒श्यत् । सः ।  
अ॒ब्रवी॑त् । ब्रा॒ह्मण॑म् । ते । वक्ष्या॑मि । यथा॑ । त्वत्पु॑रोहि॒ता इति॑  
त्वत् – पु॒रोहि॒ताः । प्र॒जा इति॑ प्र – जाः । प्र॒जनि॑ष्यन्त इति॑  
प्र – ज॒निष्य॑न्ते । अथ । मा । इ॒तरे॑भ्यः । ऋषि॑भ्य इत्यृषि॑ – भ्यः ।  
मा । प्रेति॑ । वोचः॑ । इति॑ । तस्मै॑ । ए॒तान् । स्तोम॑भा॒गानि॒ति  
स्तोम॑ – भा॒गान् । अ॒ब्रवी॑त् । ततः॑ । वसि॑ष्ठपु॒रोहि॒ता इति॑  
वसि॑ष्ठ – पु॒रोहि॒ताः । प्र॒जा इति॑ प्र – जाः । प्रेति॑ । अ॒जाय॑न्त ।  
तस्मा॑त् । वा॒सिष्ठः॑ । ब्र॒ह्मा । का॒र्यः । प्रेति॑ । ए॒व । जा॒यते॑ । र॒श्मिः ।  
अ॒सि । क्षया॑य । त्वा । क्षय॑म् । जि॒न्व । इति॑ । 5 (50)

**TS 3.5.2.2**

–त्या॑ह दे॒वा वै क्षयो॑ दे॒वेभ्य॑ ए॒व य॒ज्ञं प्रा॒ऽऽह॑ प्रेति॑र॒सि धर्मा॑य  
त्वा धर्म॑ जि॒न्वेत्या॑ह म॒नुष्या॑ वै धर्मो॑ म॒नुष्ये॑भ्य ए॒व य॒ज्ञं

प्राऽऽ\*हान्वितिरसि दिवे त्वा दिवं जिन्वेत्याहैभ्य एव लोकेभ्यो यज्ञं  
प्राऽऽ\*हविष्टम्भोऽसि वृष्ट्यै त्वा वृष्टिं जिन्वेत्याह वृष्टिमेवाव – [ ] 6

**TS 3.5.2.2 - Padam**

आह । देवाः । वै । क्षयः । देवेभ्यः । एव । यज्ञम् । प्रेति । आह ।  
प्रेतिरिति प्र – इतिः । असि । धर्माय । त्वा । धर्मम् । जिन्व ।  
इति । आह । मनुष्याः । वै । धर्मः । मनुष्येभ्यः । एव । यज्ञम् ।  
प्रेति । आह । अन्वितिरित्यनु – इतिः । असि । दिवे । त्वा । दिवम् ।  
जिन्व । इति । आह । एभ्यः । एव । लोकेभ्यः । यज्ञम् । प्रेति ।  
आह । विष्टंभ इति वि – स्तंभः । असि । वृष्ट्यै । त्वा । वृष्टिम् ।  
जिन्व । इति । आह । वृष्टिम् । एव । अवेति । 6 (50)

**TS 3.5.2.3**

रुन्धे प्रवाऽस्यनुवाऽसीत्याह मिथुनत्वायोशिगसि वसुभ्यस्त्वा  
वसूज्जिन्वेत्याहाष्टौ वसव एकादश रुद्रा द्वादशाऽऽ\*दित्या एतावन्तो  
वै देवास्तेभ्य एव यज्ञं प्राऽऽ\*हौजोऽसि पितृभ्यस्त्वा पितृन्  
जिन्वेत्याह देवानेव पितृननु सन्तनोति तन्तुरसि प्रजाभ्यस्त्वा  
प्रजा जिन्वे – [ ] 7

**TS 3.5.2.3 - Padam**

रु॒न्धे । प्र॒वेति॑ प्र – वा । अ॒सि । अ॒नुवे॑त्यनु – वा । अ॒सि । इति॑ ।  
आ॒ह । मि॒थुन॑त्वायेति॑ मिथुन – त्वाय॑ । उ॒शिक् । अ॒सि ।  
वसु॑भ्य इति॑ वसु – भ्यः । त्वा । वसू॑न् । जि॒न्व । इति॑ । आ॒ह ।  
अ॒ष्टौ । वसवः॑ । ए॒काद॑श । रु॒द्राः । द्वा॒दश॑ । आ॒दि॒त्याः । ए॒ताव॑न्तः ।  
वै । दे॒वाः । ते॒भ्यः । ए॒व । य॒ज्ञम् । प्रेति॑ । आ॒ह । ओजः॑ । अ॒सि ।  
पि॒तृभ्य॑ इति॑ पि॒तृ – भ्यः । त्वा । पि॒तृन् । जि॒न्व । इति॑ । आ॒ह ।  
दे॒वान् । ए॒व । पि॒तृन् । अ॒नु । स॒मि॒ति । त॒नोति॑ । त॒न्तुः । अ॒सि ।  
प्र॒जाभ्य॑ इति॑ प्र – जा॒भ्यः । त्वा । प्र॒जा इति॑ प्र – जाः ।

जि॒न्व । 7 (50)

**TS 3.5.2.4**

–त्या॑ह पि॒तृने॑व प्र॒जा अ॒नु स॒न्त॒नोति॑ पृ॒त॒ना॒षाड॑सि प॒शुभ्य॑स्त्वा  
प॒शूज्जि॑न्वेत्या॑ह प्र॒जा ए॒व प॒शून्नु स॒न्त॒नोति॑  
रे॒वद॑स्योष॒धीभ्य॑स्त्वौष॒धी जि॑न्वेत्या॒हौष॒धीष्वे॒व प॒शून् प्र॑ति

ष्ठा॒पय॑त्य॒भि॒जि॒द॒सि॑ यु॒क्त॒ग्रा॒वेन्द्रा॑य॒ त्वेन्द्रं॑ जि॒न्वेत्या॑हा॒भि॒जित्या॑  
अधि॑पतिर॒सि प्रा॑णाय॒ त्वा प्रा॑णं – [ ] 8

**TS 3.5.2.4 - Padam**

इति॑ । आ॒ह । पि॒तृन् । ए॒व । प्र॒जा इति॑ प्र – जाः । अनु॑ । समि॒ति ।  
त॒नोति॑ । पृ॒त॒ना॒षाट् । अ॒सि । प॒शुभ्य॑ इति॑ प॒शु – भ्यः । त्वा ।  
प॒शून् । जि॒न्व । इति॑ । आ॒ह । प्र॒जा इति॑ प्र – जाः । ए॒व । प॒शून् ।  
अनु॑ । समि॒ति । त॒नोति॑ । रे॒वत् । अ॒सि । ओष॑धीभ्य  
इत्योष॑धि – भ्यः । त्वा । ओष॑धीः । जि॒न्व । इति॑ । आ॒ह ।  
ओष॑धीषु । ए॒व । प॒शून् । प्र॒तीति॑ । स्था॒पय॑ति ।  
अ॒भि॒जि॒दि॒त्य॒भि – जि॒त् । अ॒सि । यु॒क्त॒ग्रा॒वेति॑ यु॒क्त – ग्रा॒वा ।  
इन्द्रा॑य । त्वा । इन्द्र॑म् । जि॒न्व । इति॑ । आ॒ह ।  
अ॒भि॒जित्या॑ इत्य॒भि – जि॒त्यै । अधि॑पतिरित्य॒धि – प॒तिः ।  
अ॒सि । प्रा॑णायेति॑ प्र – अ॒नाय॑ । त्वा । प्रा॑णमि॒ति प्र – अ॒नम् । 8 (50)

**TS 3.5.2.5**

जि॒न्वे॒त्याह॑ प्र॒जास्वे॒व प्रा॒णान् द॑धाति त्रि॒वृ॒दसि॑ प्र॒वृ॒दसी॒त्याह॑  
मि॒थु॒न॒त्वाय॑ स॒॒रो॒हो॑ऽसि नी॒रो॒हो॑ऽसी॒त्याह॑ प्र॒जा॒त्यै वसु॑को॒ऽसि  
वेष॑श्चिर॒सि वस्य॑ष्टि॒रसी॒त्याह॑ प्रति॑ष्ठित्यै ॥ 9

**TS 3.5.2.5 - Padam**

जि॒न्व । इति॑ । आ॒ह । प्र॒जास्वि॑ति प्र – जा॒सु । ए॒व । प्रा॒णानि॑ति  
प्र – अ॒नान् । द॒धाति॑ । त्रि॒वृ॒दिति॑ त्रि – वृ॒त् । अ॒सि । प्र॒वृ॒दिति॑  
प्र – वृ॒त् । अ॒सि । इति॑ । आ॒ह । मि॒थु॒न॒त्वाये॑ति मि॒थु॒न – त्वाय॑ ।  
स॒॒रो॒ह इति॑ सं – रो॒हः । अ॒सि । नी॒रो॒ह इति॑ निः – रो॒हः ।  
अ॒सि । इति॑ । आ॒ह । प्र॒जा॒त्या इति॑ प्र – जा॒त्यै । वसु॑कः । अ॒सि ।  
वेष॑श्चिर॒सि वेष॑ – श्रिः । अ॒सि । वस्य॑ष्टिः । अ॒सि । इति॑ ।  
आ॒ह । प्रति॑ष्ठित्या इति॑ प्रति – स्थि॒त्यै ॥ 9 (30)

(जि॒न्वे॒त्य – व – प्र॒जा जि॒न्व – प्रा॒णन् – त्रि॒॒श॒च्च॑) (A2)

**TS 3.5.3.1**

अ॒ग्नि॒ना दे॒वेन॑ पृ॒त॒ना ज॑यामि गा॒य॒त्रेण॑ छ॒न्द॒सा त्रि॒वृ॒ता स्तो॒मेन॑  
रथ॑न्त॒रेण॑ सा॒म्ना वषट्का॑रेण वज्रे॑ण पू॒र्व॒जान् भ्रातृ॑व्या॒नध॑रान्

पाद॒याम्य॒वैनान्॑ बा॒धे प्र॒त्ये॒नान्नु॒देऽस्मिन्॑ क्ष॒येऽस्मिन्॑ भू॒मिलो॒के  
योऽस्मा॑न् द्वेष्टि॒ यञ्च॑ व॒यं द्वि॒ष्मो वि॒ष्णोः क्र॒मे॒णाऽत्ये॑नान् क्रामा॒मीन्द्रे॑ण  
दे॒वेन॑ पृ॒तना॑ ज॒यामि॑ त्रै॒ष्टुभे॑न॒ छन्द॑सा पञ्चद॒शेन॑ स्तोमे॑न बृ॒हता॑  
सा॒म्ना व॑षट्कारेण॒ वज्रे॑ण – [ ] 10

**TS 3.5.3.1 - Padam**

अ॒ग्निना॑ । दे॒वेन॑ । पृ॒तनाः॑ । ज॒यामि॑ । गा॒यत्रे॑ण । छ॒न्दसा॑ ।  
त्रि॒वृते॑ति॒ त्रि – वृ॒ता । स्तोमे॑न । र॒थन्त॑रेणेति॒ रथं॑ – त॒रेण॑ । सा॒म्ना ।  
व॑षट्कारेणेति॒ वषट् – का॒रेण॑ । वज्रे॑ण । पू॒र्वजा॑निति॒ पूर्व – जा॑न् ।  
भ्रातृ॑व्यान् । अ॒धरा॑न् । पा॒दया॑मि । अ॒वेति॑ । ए॒नान् । बा॒धे । प्र॒तीति॑ ।  
ए॒नान् । नु॒दे । अ॒स्मिन् । क्ष॒ये । अ॒स्मिन् । भू॒मिलो॒क इति॑  
भू॒मि – लो॒के । यः । अ॒स्मान् । द्वेष्टि॑ । यम् । च । व॒यम् ।  
द्वि॒ष्मः । वि॒ष्णोः । क्र॒मे॒ण । अ॒तीति॑ । ए॒नान् । क्रा॒मामि॑ । इ॒न्द्रेण॑ ।  
दे॒वेन॑ । पृ॒तनाः॑ । ज॒यामि॑ । त्रै॒ष्टुभे॑न । छ॒न्दसा॑ ।  
पञ्च॑द॒शेने॑ति॒ पञ्च – द॒शेन॑ । स्तोमे॑न । बृ॒हता॑ । सा॒म्ना ।  
व॑षट्कारेणेति॒ वषट् – का॒रेण॑ । वज्रे॑ण । 10 (50)



**TS 3.5.3.2**

सह॒जान्॑ वि॒श्वेभिर्दे॒वेभिः॑ पृ॒तना॑ ज॒यामि॑ जा॒गतेन॑ छ॒न्दसा॑ स॒प्तद॒शेन॑  
स्तो॒मेन॑ वा॒मदे॒व्येन॑ सा॒म्ना व॒षट्का॒रेण॑ व॒ज्रेणा॑ प॒रजा॑नि॒न्द्रेण॑ स॒युजो॑  
वय॑ꣳ सा॒सह्या॑म पृ॒तन्य॑तः ।

घ्नन्तो॑ वृ॒त्राण्य॑प्रति ।

यत्ते॑ अ॒ग्ने तेज॒स्तेना॒हं तेज॒स्वी भू॒यासं॑ यत्ते॑ अ॒ग्ने वर्च॒स्तेना॒हं  
वर्च॒स्वी भू॒यासं॑ यत्ते॑ अ॒ग्ने ह॒रस्तेना॒हꣳ ह॒रस्वी॑ भू॒यासं॑ ॥ 11

**TS 3.5.3.2 - Padam**

सह॒जा॒निति॑ सह – जा॒न् । वि॒श्वेभिः॑ । दे॒वेभिः॑ । पृ॒तनाः॑ । ज॒या॒मि॒ ।  
जा॒गतेन॑ । छ॒न्दसा॑ । स॒प्तद॒शेनेति॑ स॒प्त – द॒शेन॑ । स्तो॒मेन॑ ।  
वा॒मदे॒व्येनेति॑ वा॒म-दे॒व्येन॑ । सा॒म्ना । व॒षट्का॒रेणेति॑ व॒षट् – का॒रेण॑ ।  
व॒ज्रेण॑ । अ॒परजा॑नित्य॒पर – जा॒न् । इ॒न्द्रेण॑ । स॒युज॑ इति॑ स-यु॒जः॑ ।  
वय॑म् । सा॒सह्या॑म । पृ॒तन्य॑तः ॥ घ्नन्तः॑ । वृ॒त्राणि॑ । अ॒प्रति॑ ॥ यत् ।  
ते । अ॒ग्ने । तेजः॑ । तेन॑ । अ॒हम् । तेज॒स्वी । भू॒यास॑म् । यत् । ते ।  
अ॒ग्ने । वर्चः॑ । तेन॑ । अ॒हम् । वर्च॒स्वी । भू॒यास॑म् । यत् । ते ।

अग्ने॑ । हरः॑ । तेन॑ । अ॒हम् । हर॑स्वी । भू॒या॒सम् ॥ 11 (46)

(बृ॒ह॒ता सा॒म्ना व॑षट्कारेण॑ वज्र॑णे – षट्च॑त्वारि॒ंशच्च॑) (A3)

**TS 3.5.4.1**

ये दे॒वा य॒ज्ञ॒ह॒नो य॒ज्ञ॒मु॒षः पृ॒थि॒व्याम॑द्ध्य॒यास॑ते ।

अ॒ग्नि॒र्मा ते॒भ्यो र॑क्षतु॒ गच्छे॑म सु॒कृ॒तो व॒यं ॥

आ॒ग॒न्म मि॒त्राव॑रुणा॒ वरे॑ण्या रा॒त्रीणां॑ भा॒गो यु॒वयो॑र्यो अ॒स्ति ।

नाकं॑ गृ॒ह्णा॒नाः सु॒कृ॒तस्य॑ लो॒के तृ॒तीये॑ पृ॒ष्ठे अ॒धि रो॒च॒ने दि॒वः ॥

ये दे॒वा य॒ज्ञ॒ह॒नो य॒ज्ञ॒मु॒षोऽन्त॑रि॒क्षेऽद्ध्य॒यास॑ते ।

वा॒यु॒र्मा ते॒भ्यो र॑क्षतु॒ गच्छे॑म सु॒कृ॒तो व॒यं ॥

यास्ते॑ रा॒त्रीः स॒वि॒तर् - [ ] 12

**TS 3.5.4.1 - Padam**

ये । दे॒वाः । य॒ज्ञ॒ह॒न इति॑ य॒ज्ञ - ह॒नः । य॒ज्ञ॒मु॒ष इति॑ य॒ज्ञ - मु॒षः ।

पृ॒थि॒व्याम् । अ॒धी॒ति । आ॒स॒ते ॥ अ॒ग्निः । मा । ते॒भ्यः । र॒क्ष॒तु ।

गच्छे॑म । सु॒कृ॒त इति॑ सु - कृ॒तः । व॒यम् ॥ ए॒ति । अ॒ग॒न्म ।

मि॒त्राव॑रुणेति॑ मि॒त्रा-व॑रुणा । व॒रे॒ण्या । रा॒त्रीणा॑म् । भा॒गः । यु॒वयोः॑ ।

यः । अ॒स्ति ॥ ना॒कम् । गृ॒ह्णा॒नाः । सु॒कृ॒तस्येति॑ सु - कृ॒तस्य॑ ।

लो॒के । तृ॒तीये॑ । पृ॒ष्ठे । अधी॑ति । रो॒चने॑ । दि॒वः ॥ ये । दे॒वाः ।  
य॒ज्ञ॒ह॒न इति॑ य॒ज्ञ – ह॒नः । य॒ज्ञ॒मु॒ष इति॑ य॒ज्ञ – मु॒षः । अ॒न्तरि॑क्षे ।  
अधी॑ति । आ॒स॒ते ॥ वा॒युः । मा । तेभ्यः॑ । र॒क्ष॒तु । ग॒च्छेम॑ ।  
सु॒कृ॒त इति॑ सु – कृ॒तः । व॒यम् ॥ याः । ते । रा॒त्रीः ।

स॒वि॒तः । 12 (50)

**TS 3.5.4.2**

दे॒व॒या॒नी॒र॒न्तरा॑ द्या॒वापृ॑थि॒वी वि॒यन्ति॑ ।  
गृ॒हैश्च॑ स॒र्वैः प्र॒ज॒या न्व॒ग्रे सु॒वो रु॒हा॒णास्तर॑ता र॒जाँ॑सि ॥  
ये दे॒वा य॒ज्ञ॒ह॒नो य॒ज्ञ॒मु॒षो दि॒व्य॒द्ध्या॑स॒ते ।  
सू॒र्यो मा तेभ्यो॑ र॒क्ष॒तु ग॒च्छेम॑ सु॒कृ॒तो व॒यं ॥  
येने॑न्द्रा॒य स॒म॒भ॒रः प॒याँ॑स्यु॒त्तमे॑न ह॒विषा॑ जा॒तवे॑दः ।  
तेना॑ँग्ने त्व॒मु॒त वर्द्ध॑येम॒ँ स॒जा॒तानाँ॑ श्रैष्ठ्य॒ आ धै॑ह्येनं ॥  
य॒ज्ञ॒ह॒नो वै दे॒वा य॒ज्ञ॒मु॒षः – [ ] 13

**TS 3.5.4.2 - Padam**

दे॒व॒या॒नी॒रि॒ति॒ दे॒व – या॒नीः॑ । अ॒न्त॒रा । द्या॒वा॒पृ॒थि॒वी इति॑  
द्या॒वा – पृ॒थि॒वी । वि॒यन्ती॑ति॒ वि – यन्ति॑ ॥ गृ॒हैः॑ । च । स॒र्वैः॑ ।  
प्र॒जये॑ति॒ प्र – जया॑ । नु । अ॒ग्रे । सु॒वः । रु॒हा॒णाः । त॒रत॑ ।  
रजा॑ँ॒सि ॥ ये । दे॒वाः । य॒ज्ञ॒ह॒न इति॑ य॒ज्ञ – ह॒नः ।  
य॒ज्ञ॒मु॒ष इति॑ य॒ज्ञ – मु॒षः । दि॒वि । अधी॑ति॒ । आ॒स॒ते ॥ सूर्यः॑ । मा ।  
ते॒भ्यः । र॒क्ष॒तु । गच्छे॑म । सु॒कृत॑ इति॒ सु – कृतः॑ । व॒यम् ॥  
येन॑ । इन्द्रा॑य । स॒म॒भ॒र इति॑ सं – अ॒भ॒रः । पया॑ँ॒सि ।  
उ॒त्त॒मे॒नेत्यु॑त् – त॒मे॒न । ह॒वि॒षा । जा॒त॒वे॒द इति॑ जा॒त – वे॒दः ॥  
तेन॑ । अ॒ग्ने । त्वम् । उ॒त । वर्द्ध॑य । इ॒मम् ।  
स॒जा॒ता॒नामि॑ति॒ स – जा॒ता॒नाम् । श्रैष्ठ्ये॑ । ए॒ति । धे॒हि । ए॒नम् ॥  
य॒ज्ञ॒ह॒न इति॑ य॒ज्ञ – ह॒नः । वै । दे॒वाः ।  
य॒ज्ञ॒मु॒ष इति॑ य॒ज्ञ – मु॒षः । 13 (50)

**TS 3.5.4.3**

स॒न्ति॒ त ए॒षु लो॒केष्वा॑स॒त आ॒द॒दा॒ना वि॒म॒थ्ना॒ना यो द॒दा॒ति॒ यो  
य॒ज॒ते तस्य॑ ।

ये दे॒वा य॒ज्ञ॒हनः॑ पृ॒थि॒व्याम॑द्ध्य॒आस॑ते ये अ॒न्तरि॑क्षे ये  
दि॒वीत्या॑हे॒माने॒व लो॒काऽस्ती॑र्त्वा स॒गृहः॑ स॒पशुः॑ सु॒वर्गं॑ लो॒कमे॒त्यप॑  
वै सो॒मेने॑जा॒नाद् दे॒वता॑श्च य॒ज्ञश्च॑ क्रा॒मन्त्या॑ग्नेयं  
पञ्च॑क॒पाल॑मु॒दव॑सा॒नीयं॑ निर्व॑पेद॒ग्निः सर्वा॑ दे॒वताः॑ – [ ] 14

**TS 3.5.4.3 - Padam**

स॒न्ति । ते । ए॒षु । लो॒केषु॑ । आ॒स॒ते । आ॒द॒दा॒ना इत्या॑ – द॒दा॒नाः ।  
वि॒म॒थ्ना॒ना इति॑ वि॒म॒थ्ना॒नाः । यः । द॒दा॒ति । यः । य॒ज॒ते । तस्य॑ ॥  
ये । दे॒वाः । य॒ज्ञ॒हन इति॑ य॒ज्ञ – ह॒नः । पृ॒थि॒व्याम् । अधी॑ति ।  
आ॒स॒ते । ये । अ॒न्तरि॑क्षे । ये । दि॒वि । इति॑ । आ॒ह । इ॒मान् ।  
ए॒व । लो॒कान् । ती॒र्त्वा । स॒गृह इति॑ स – गृ॒हः । स॒पशु॑रिति  
स – प॒शुः । सु॒वर्ग॑मिति॑ सु॒वः – ग॒म् । लो॒कम् । ए॒ति । अ॒पेति॑ ।  
वै । सो॒मेन॑ । ई॒जा॒नात् । दे॒वताः॑ । च । य॒ज्ञः । च । क्रा॒म॒न्ति ।  
आ॒ग्ने॒यम् । पञ्च॑क॒पाल॑मिति॑ पञ्च – क॒पाल॑म् ।  
उ॒द॒व॒सा॒नीय॑मित्युत् – अ॒व॒सा॒नीय॑म् । नि॒रिति॑ । व॒पेत् । अ॒ग्निः ।  
सर्वाः॑ । दे॒वताः॑ । 14 (50)

**TS 3.5.4.4**

पाङ्क्तो॑ य॒ज्ञो दे॒वता॑श्चै॒व य॒ज्ञञ्चा॑व रु॒न्धेगा॑य॒त्रो वा अ॒ग्निर्गा॑य॒त्र  
छ॒न्दास्तं॑ छ॒न्दसा॑ व्य॒र्द्धय॑ति यत् पञ्च॑क॒पालं॑ क॒रोत्य॑ष्टाक॒पालः  
का॒र्योऽष्टा॑क्ष॒रा गा॒यत्री॑ गा॒यत्रोऽग्नि॑र्गा॒यत्र॑छ॒न्दाः स्वे॒नै॒वैनं॑ छ॒न्दसा॑  
सम॑र्द्धयति प॒ङ्क्त्यौ॑ या॒ज्यानु॒वाक्ये॑ भव॒तः पाङ्क्तो॑ य॒ज्ञस्ते॒नै॒व  
य॒ज्ञान्नै॑ति ॥ 15

**TS 3.5.4.4 - Padam**

पाङ्क्तः॑ । य॒ज्ञः । दे॒वताः॑ । च । ए॒व । य॒ज्ञम् । च । अ॒वेति॑ । रु॒न्धे ।  
गा॒यत्रः॑ । वै । अ॒ग्निः । गा॒यत्र॑छ॒न्दा इति॑ गा॒यत्र – छ॒न्दाः । तम् ।  
छ॒न्दसा॑ । वी॒ति । अ॒र्द्धय॑ति । यत् । पञ्च॑क॒पालमि॑ति  
पञ्च॑ – क॒पालम् । क॒रोति॑ । अ॒ष्टाक॑पाल इत्य॒ष्टा – क॒पालः ।  
का॒र्यः । अ॒ष्टाक्ष॑रेत्य॒ष्टा – अ॒क्षरा॑ । गा॒यत्री । गा॒यत्रः॑ । अ॒ग्निः ।  
गा॒यत्र॑छ॒न्दा इति॑ गा॒यत्र – छ॒न्दाः । स्वे॒न । ए॒व । ए॒नम् ।  
छ॒न्दसा॑ । समि॑ति । अ॒र्द्धय॑ति । प॒ङ्क्त्यौ॑ । या॒ज्यानु॒वाक्ये॑ इति॑  
या॒ज्या – अ॒नुवा॒क्ये॑ । भव॒तः । पाङ्क्तः॑ । य॒ज्ञः । ते॒न । ए॒व । य॒ज्ञात् ।  
न । ए॒ति ॥ 15 (43)

(सवितर् – देवा यज्ञमुषः – सर्वा देवता – स्त्रिचत्वारिंशच्च)  
(A4)

**TS 3.5.5.1**

सूर्यो॑ मा दे॒वो दे॒वेभ्यः॑ पातु वा॒युरन्तरि॑क्षाद्-यज॑मानोऽग्निर्मा  
पातु॑ चक्षुषः ।

सक्ष॑ शूष॑ सवित॑र्विश्वच॑र्षण ए॒तेभिः॑ सोम॑ नाम॑भिर्विधेम ते तेभिः॑  
सोम॑ नाम॑भिर्विधेम ते ॥

अहं॑ परस्ता॑दहमवस्ता॑दहं ज्योति॑षा वि तमो॑ ववार ।

यदन्तरि॑क्षं तदु॑ मे पिता॑ऽभूदहं॑ सूर्य॑मुभयतो॑ ददर्शाहं॑  
भूया॑समुत्तमः॑ समा॒नाना॑ – [ ] 16

**TS 3.5.5.1 - Padam**

सूर्यः॑ । मा । देवः॑ । देवेभ्यः॑ । पातु॑ । वायुः॑ । अन्तरि॑क्षात् ।

यज॑मानः । अग्निः॑ । मा । पातु॑ । चक्षुषः॑ ॥ सक्ष॑ । शूष॑ । सवितः॑ ।

विश्वच॑र्षण इति विश्व॑ – चर्षणे॑ । ए॒तेभिः॑ । सोम॑ ।

नाम॑भिरिति नाम॑ – भिः॑ । विधेम॑ । ते । तेभिः॑ । सोम॑ ।

नाम॑भिरिति नाम॑-भिः॑ । विधेम॑ । ते ॥ अहम्॑ । परस्ता॑त् । अहम्॑ ।

अ॒वस्ता॑त् । अ॒हम् । ज्यो॑ति॒षा । वी॑ति । त॒मः । व॒वा॒र ॥ यत् ।  
अ॒न्तरि॑क्षम् । तत् । उ॒ । मे॒ । पि॒ता । अ॒भू॒त् । अ॒हम् । सूर्य॑म् ।  
उ॒भय॑तः । द॒दर्श॑ । अ॒हम् । भू॒या॒सम् । उ॒त्त॒म इ॒त्यु॒त् – त॒मः ।

स॒मा॒ना॒ना॒म् ॥ 16 (50)

### TS 3.5.5.2

मा स॒मु॒द्रा॒दाऽन्तरि॑क्षात् प्र॒जा॒प॒तिरु॒दधिं॑ च्या॒वया॑तीन्द्रः  
प्र स्नौ॑तु म॒रुतो॑ व॒र्षय॑न्तू॒न्न॒भय॑ पृथि॒वीं भि॒न्धी॑दं दि॒व्यं न॒भः ।  
उ॒द्नो॑ दि॒व्यस्य॑ नो दे॒ही॒शानो॑ वि सृ॒जा दृ॒तिं ॥  
प॒शवो॑ वा ए॒ते यदा॑दि॒त्य ए॒ष रु॒द्रो यद॑ग्नि॒रोष॑धीः प्रा॒स्याग्ना॑वादि॒त्यं  
जु॒होति॑ रु॒द्रादे॒व प॒शून्त॑र्दधा॒त्यथो॑ ओष॑धी॒ष्वेव॑ प॒शून् – [ ] 17

### TS 3.5.5.2 - Padam

ए॒ति । स॒मु॒द्रा॒त् । ए॒ति । अ॒न्तरि॑क्षात् । प्र॒जा॒प॒तिरि॒ति प्र॒जा – प॒तिः ।  
उ॒दधि॑मि॒त्यु॒द – धि॒म् । च्या॒वया॑ति । इन्द्रः । प्रे॒ति । स्नौ॑तु । म॒रुतः॑ ।  
व॒र्षय॑न्तु । उ॒दि॒ति । न॒भय॑ । पृथि॒वीम् । भि॒न्धि । इ॒दम् । दि॒व्यम् ।  
न॒भः ॥ उ॒द्नः॑ । दि॒व्यस्य॑ । नः । दे॒हि । ई॒शानः॑ । वी॑ति । सृ॒ज ।  
दृ॒तिम् ॥ प॒शवः॑ । वै । ए॒ते । यत् । आ॒दि॒त्यः । ए॒षः । रु॒द्रः । यत् ।



अ॒ग्निः । ओ॒ष॒धीः । प्रा॒स्येति॑ प्र – अ॒स्य । अ॒ग्नौ । आ॒दि॒त्यम् ।  
जु॒होति॑ । रु॒द्रात् । ए॒व । प॒शून् । अ॒न्तः । द॒धाति॑ । अथो॒ इति॑ ।  
ओ॒ष॒धीषु॑ । ए॒व । प॒शून् । 17 (50)

**TS 3.5.5.3**

प्रति॑ ष्ठा॒पयति॑ क॒विर्य॒ज्ञस्य॑ वि त॒नोति॑ प॒न्थां ना॒कस्य॑ पृ॒ष्ठे अधि॑  
रो॒चने॑ दि॒वः ।  
येन॑ ह॒व्यं व॑ह॒सि या॑सि दू॒त इ॒तः प्र॑चे॒ता अ॒मुतः॑ स॒नीयान्॑ ॥  
यास्ते॑ वि॒श्वाः स॒मिधः॑ स॒न्त्यग्ने॒याः पृ॑थि॒व्यां ब॒र्हिषि॑ सू॒र्ये याः॑ ।  
तास्ते॑ ग॒च्छन्त्वा॑हु॒तिं घृ॑तस्य दे॒वाय॑ते यज॒मानाय॑ शर्म ॥  
आ॒शा॒सानः॑ सु॒वीर्यं॑ रा॒यस्पोष॑ स्व॒श्चियं॑ ।  
बृ॒हस्प॑तिना रा॒या स्व॒गाकृ॑तो म॒ह्यं य॑ज॒मानाय॑ ( ) तिष्ठ ॥ 18

**TS 3.5.5.3 - Padam**

प्र॒तीति॑ । स्था॒पयति॑ । क॒विः । य॒ज्ञस्य॑ । वी॒ति । त॒नोति॑ । प॒न्था॑म् ।  
ना॒कस्य॑ । पृ॒ष्ठे । अधि॑ति । रो॒चने॑ । दि॒वः ॥ येन॑ । ह॒व्यम् । व॑ह॒सि ।  
या॑सि । दू॒तः । इ॒तः । प्र॑चे॒ता इति॑ प्र-चे॒ताः । अ॒मुतः॑ । स॒नीयान्॑ ॥

याः । ते । विश्वाः । समिध इति सं – इधः । सन्ति । अग्ने । याः ।  
 पृथिव्याम् । बर्हिषि । सूर्ये । याः ॥ ताः । ते । गच्छन्तु ।  
 आहुतिमित्या – हुतिम् । घृतस्य । देवायत इति देव – यते ।  
 यजमानाय । शर्म ॥ आशासान इत्या – शासानः । सुवीर्यमिति  
 सु – वीर्यम् । रायः । पोषम् । स्वश्रियमिति सु – अश्रियम् ॥  
 बृहस्पतिना । राया । स्वगाकृत इति स्वगा – कृतः । मह्यम् ।  
 यजमानाय ( ) । तिष्ठ ॥ 18 (51)

(समानाना – मोषधीष्वेव पशून् – मह्यं यजमाना – यैकञ्च)  
 (A5)

**TS 3.5.6.1**

सं त्वा नह्यामि पयसा घृतेन सं त्वा नह्याम्यप ओषधीभिः ।  
 सं त्वा नह्यामि प्रजयाऽहमद्य सा दीक्षिता सनवो वाजमस्मे ॥  
 प्रैतु ब्रह्मणस्पती वेदिं वर्णेन सीदतु ।  
 अथाहमनुकामिनी स्वे लोके विशा इह ॥  
 सुप्रजसं स्त्वा वयं सुपत्नीरुप सेदिम ।

अ॒ग्ने॑ स॒प॒त्न॑द॒म्भ॒न॒म॒द॒ब्धा॒सो॒ अ॒दा॒भ्यं॑ ॥

इ॒मं वि॒ष्या॑मि॒ वरु॑ण॒स्य॒ पा॒शं॒ – [ ] 19

**TS 3.5.6.1 - Padam**

स॒मि॒ति॑ । त्वा । न॒ह्या॒मि॒ । प॒य॒सा॒ । घृ॒ते॒न॑ । स॒मि॒ति॑ । त्वा । न॒ह्या॒मि॒ ।

अ॒पः॒ । ओ॒ष॒धी॑भि॒रि॒त्यो॒ष॒धि॑ – भिः॒ ॥ स॒मि॒ति॑ । त्वा । न॒ह्या॒मि॒ ।

प्र॒ज॒ये॒ति॑ प्र – ज॒या॒ । अ॒ह॒म् । अ॒द्य॒ । सा॒ । दी॒क्षि॒ता॒ । स॒न॒वः॒ ।

वा॒ज॒म् । अ॒स्मे॒ इति॑ ॥ प्रेति॑ । ए॒तु॒ । ब्र॒ह्म॒णः॒ । प॒त्नी॑ । वे॒दि॒म् ।

व॒र्णे॑न । सी॒द॒तु॒ ॥ अथ॑ । अ॒ह॒म् । अ॒नु॒का॒मि॒नी॒त्य॒नु॒-का॒मि॒नी॑ । स्वे॒ ।

लो॒के॒ । वि॒शौ॒ । इ॒ह ॥ सु॒प्र॒ज॒स॒ इति॑ सु – प्र॒ज॒सः॒ । त्वा । व॒य॒म् ।

सु॒प॒त्नी॒रि॒ति॑ सु – प॒त्नीः॒ । उ॒पे॒ति॑ । से॒दि॒म ॥ अ॒ग्ने॑ । स॒प॒त्न॑द॒म्भ॒न॒मि॒ति॑

स॒प॒त्न॑ – द॒म्भ॒न॒म् । अ॒द॒ब्धा॒सः॒ । अ॒दा॒भ्य॒म् ॥ इ॒म॒म् । वी॒ति॑ ।

स्या॒मि॒ । वरु॑ण॒स्य॒ । पा॒श॒म् । 19 (50)

**TS 3.5.6.2**

य॑म॒ब॒द्ध॒नी॒त॒ स॒वि॒ता॒ सु॒के॒तः॑ ।

धा॒तुश्च॑ यो॒नौ॒ सु॒कृ॒त॒स्य॑ लो॒के॒ स्यो॒नं॑ मे॒ सह॑ प॒त्या॑ करोमि ॥

प्रे॒ह्यु॒दे॒ह्यु॒तस्य॑ वा॒मीर॒न्व॒ग्निस्ते॑ऽग्रं॑ न॒य॒त्वदि॒तिर्म॑द्ध्यं॑ द॒ल॒ता॒ꣳ  
 रु॒द्राव॑सृ॒ष्टाऽसि॑ यु॒वा ना॒म मा॒ मा हि॑ꣳसी॒र्वसु॑भ्यो रु॒द्रेभ्य॑ आ॒दित्ये॑भ्यो  
 वि॒श्वेभ्यो॑ वो दे॒वेभ्यः॑ प॒न्नेज॑नीर्गृह्णामि॑ य॒ज्ञाय॑ वः प॒न्नेज॑नीः सा॒दयामि॑  
 वि॒श्वस्य॑ ते वि॒श्वाव॑तो वृ॒ष्णि॒याव॑त – [ ] 20

**TS 3.5.6.2 - Padam**

यम् । अ॒ब॒द्ध॒नी॒त । स॒वि॒ता । सु॒के॒त इति॑ सु-के॒तः ॥ धा॒तुः । च ।  
 यो॒नौ । सु॒कृ॒तस्ये॑ति॑ सु – कृ॒तस्य॑ । लो॒के । स्यो॒नम् । मे । स॒ह ।  
 प॒त्या । क॒रो॒मि ॥ प्रेति॑ । इ॒हि । उ॒दे॒हीत्यु॑त्-ए॒हि । ऋ॒तस्य॑ । वा॒मीः ।  
 अ॒न्वि॒ति । अ॒ग्निः । ते । अ॒ग्रम् । न॒य॒तु । अ॒दि॒तिः । म॒द्ध्यम् ।  
 द॒द॒ताम् । रु॒द्राव॑सृ॒ष्टेति॑ रु॒द्र-अ॒व॒सृ॒ष्टा । अ॒सि । यु॒वा । ना॒म । मा ।  
 मा । हि॑ꣳसीः । वसु॑भ्य इति॑ वसु-भ्यः । रु॒द्रेभ्यः॑ । आ॒दि॒त्येभ्यः॑ ।  
 वि॒श्वेभ्यः॑ । वः । दे॒वेभ्यः॑ । प॒न्नेज॑नीरिति॑ पत् – ने॒ज॑नीः । गृ॒ह्णामि॑ ।  
 य॒ज्ञाय॑ । वः । प॒न्नेज॑नीरिति॑ पत् – ने॒ज॑नीः । सा॒द॒यामि॑ ।  
 वि॒श्वस्य॑ । ते । वि॒श्वाव॑त इति॑ वि॒श्व-व॑तः ।  
 वृ॒ष्णि॒याव॑त इति॑ वृ॒ष्णि॒य-व॑तः । 20 (50)

**TS 3.5.6.3**

स्त॒वाग्ने॑ वा॒मीर॑नु स॒न्दृशि॑ वि॒श्वा रेता॑ँसि धि॒षीया॑ऽगन् दे॒वान् य॒ज्ञो  
नि दे॒वीर्दे॒वेभ्यो॑ य॒ज्ञम॑शिष॒न्नस्मिन्त् सु॒न्वति॑ यज॒मान आ॒शिषः॑  
स्वाहा॑कृताः समु॒द्रेष्ठा॑ गन्ध॒र्वमा॑तिष्ठ॒तानु॑ ।

वा॒तस्य॑ प॒त्मन्नि॑ड ई॒डिताः॑ ॥ 21

**TS 3.5.6.3 - Padam**

तव॑ । अ॒ग्ने । वा॒मीः । अ॒न्विति॑ । स॒न्दृशी॑ति सं – दृ॒शि । वि॒श्वा ।  
रेता॑ँसि । धि॒षीय॑ । अ॒गन् । दे॒वान् । य॒ज्ञः । नी॒ति । दे॒वीः ।  
दे॒वेभ्यः॑ । य॒ज्ञम् । अ॒शिष॑न् । अ॒स्मिन् । सु॒न्वति॑ । यज॒माने॑ ।  
आ॒शिष॑ इत्या॑ – शिषः॑ । स्वाहा॑कृता इति॑ स्वाहा॑ – कृ॒ताः ।  
समु॒द्रेष्ठा॑ इति॑ समु॒द्रे – स्थाः॑ । गन्ध॒र्वम् । ए॒ति । तिष्ठ॑त । अनु॑ ॥  
वा॒तस्य॑ । प॒त्मन् । इ॒डः । ई॒डिताः॑ ॥ 21 (30)

(पा॒शं – वृ॒ष्णि॒याव॑त – स्त्रि॒ँश्च॑) (A6)

**TS 3.5.7.1**

व॒षट्का॑रो वै गा॒यत्रि॑यै शिरो॑ँछिनत् तस्यै॒ रसः॑ प॒राऽप॑तत् स पृ॒थि॒वीं  
प्रा॒वि॒श॒त्स ख॑दिरो॒ऽभव॑द् यस्य॑ खा॒दिरः॑ सु॒वो भ॑वति॒ छन्द॑सामे॒व

र॒से॒ना॒व॒ द्य॒ति॒ सर॒सा॒ अ॒स्याऽऽ\*हु॒तयो॑ भवन्ति तृ॒तीय॑स्यामि॒तो दि॒वि॒  
सोम॑ आसीत् तं गा॒य॒त्र्या अ॒हर॒त् तस्य॑ पर्ण॒मच्छि॑द्यत् तत् पर्णो॑ऽभवत्  
तत् पर्ण॑स्य पर्ण॒त्वं यस्य॑ पर्ण॒मयी॑ जु॒हूर् - [ ] 22

**TS 3.5.7.1 - Padam**

व॒षट्का॒र इति॑ व॒षट् - का॒रः । वै । गा॒य॒त्रि॒यै । शि॒रः । अ॒च्छि॒नत् ।  
तस्यै॑ । र॒सः । पे॒रेति॑ । अ॒प॒तत् । सः । पृ॒थि॒वीम् । प्रेति॑ । अ॒वि॒शत् ।  
सः । ख॒दि॒रः । अ॒भव॒त् । यस्य॑ । ख॒दि॒रः । सु॒वः । भव॑ति ।  
छ॒न्द॒साम् । ए॒व । र॒से॒न । अ॒वेति॑ । द्य॒ति॒ । सर॒सा इति॑ स - र॒साः ।  
अ॒स्य । आ॒हु॒तय॑ इत्या - हु॒तयः॑ । भव॑न्ति । तृ॒तीय॑स्याम् । इ॒तः ।  
दि॒वि । सोमः॑ । आ॒सीत् । तम् । गा॒य॒त्री । एति॑ । अ॒हर॒त् । तस्य॑ ।  
पर्ण॑म् । अ॒च्छि॒द्यत् । तत् । पर्णः॑ । अ॒भव॒त् । तत् । पर्ण॑स्य ।  
पर्ण॑त्वमिति॑ पर्ण - त्वम् । यस्य॑ । पर्ण॑मयीति॑ पर्ण - मयी॑ ।

जु॒हूर् । 22 (50)

**TS 3.5.7.2**

भव॑ति सौ॒म्या अ॒स्याऽऽ\*हु॒तयो॑ भवन्ति जु॒षन्ते॑ऽस्य दे॒वा आ॒हु॒तीर्दे॒वा  
वै ब्र॒ह्म॒न्न॒वद॑न्त तत् पर्ण॑ उपा॒ऽऽ\*शृ॒णोथ् सु॒श्र॒वा वै ना॒म यस्य॑

पर्ण॑मयी॒ जुहू॑र्भवति॒ न पा॒पꣳ श्लो॒कꣳ शृ॒णोति॑ ब्र॒ह्म वै पर्णो॑  
वि॒ष्मरु॑तोऽन्नं॑ वि॒ष्मारु॑तोऽश्व॒त्थो यस्य॑ पर्ण॑मयी  
जुहू॑र्भवत्याश्व॒त्थ्युप॑भृद् ब्र॒ह्मणै॒वान्न॑मव॒ रुन्धे॑ऽथो ब्र॒ह्मै – [ ] 23

**TS 3.5.7.2 - Padam**

भव॑ति । सौ॒म्याः । अ॒स्य । आ॒हु॒तय॑ इत्या – हु॒तयः॑ । भव॑न्ति ।  
जु॒षन्ते॑ । अ॒स्य । दे॒वाः । आ॒हु॒तीरि॑त्या – हु॒तीः । दे॒वाः । वै ।  
ब्र॒ह्मन् । अ॒वद॑न्त । तत् । पर्णः॑ । उपेति॑ । अ॒शृ॒णोत् । सु॒श्रवा॑ इति॑  
सु – श्रवाः॑ । वै । ना॒म । यस्य॑ । पर्ण॑मयीति॑ पर्ण – मयी॑ । जुहूः॑ ।  
भव॑ति । न । पा॒पम् । श्लो॒कम् । शृ॒णोति॑ । ब्र॒ह्म । वै । पर्णः॑ ।  
विट् । म॒रुतः॑ । अ॒न्नम् । विट् । मा॒रुतः॑ । अ॒श्वत्थः॑ । यस्य॑ ।  
पर्ण॑मयीति॑ पर्ण–मयी॑ । जुहूः॑ । भव॑ति । आ॒श्वत्थी॑ ।  
उप॑भृ॒तित्यु॑प – भृत् । ब्र॒ह्मणा॑ । ए॒व । अ॒न्नम् । अ॒वेति॑ । रुन्धे॑ ।  
अथो॑ इति॑ । ब्र॒ह्म । 23 (50)

**TS 3.5.7.3**

–व वि॒श्यद्ध्यू॑हति रा॒ष्ट्रं वै॑ पर्णो॑ वि॒डश्च॑त्थो यत् पर्ण॑मयी  
 जु॒हूर्भव॑त्या–श्च॑त्थ्युप॒भृद्–रा॒ष्ट्रमे॒व वि॒श्यद्ध्यू॑हति प्र॒जाप॑तिर्वा  
 अ॒जुहो॑त् सा यत्राऽऽ\*हु॑तिः प्र॒त्यति॑ष्ठत् ततो॒ विक॑ङ्कत उ॒दति॑ष्ठत् ततः  
 प्र॒जा अ॒सृज॑त यस्य वैक॑ङ्कती ध्रु॒वा भ॑वति प्र॒त्येवा॒स्या  
 ऽऽ\*हु॑तयस्तिष्ठन्त्यथो प्रै॒व जा॑यत ए॒तद्वै सु॒चां ( ) रू॒पं य॑स्यै॒व  
 रू॒पाः सु॒चो भ॑वन्ति सर्वा॑ण्ये॒वैनं रू॒पाणि॑ प॒शूना॑मुपतिष्ठन्ते  
 ना॒स्याप॑–रू॒पमा॑त्मज्जायते ॥ 24

**TS 3.5.7.3 - Padam**

ए॒व । वि॒शि । अधी॑ति । ऊ॒हति॑ । रा॒ष्ट्रम् । वै । पर्णः॑ । वि॒ट् ।  
 अ॒श्चत्थः॑ । यत् । पर्ण॑मयीति पर्ण – मयी॑ । जु॒हूः । भ॑वति ।  
 आ॒श्चत्थी॑ । उ॒पभृ॑तित्युप–भृत् । रा॒ष्ट्रम् । ए॒व । वि॒शि । अधी॑ति ।  
 ऊ॒हति॑ । प्र॒जाप॑तिरिति प्र॒जा – प॒तिः । वै । अ॒जुहो॑त् । सा । यत्र॑ ।  
 आ॒हुति॑रित्या – हु॒तिः । प्र॒त्यति॑ष्ठदिति प्रति – अ॒तिष्ठ॑त् । ततः॑ ।  
 वि॒कङ्क॑त इति वि – क॒ङ्कतः॑ । उ॒दिति॑ । अ॒तिष्ठ॑त् । ततः॑ । प्र॒जा इति॑  
 प्र – जाः । अ॒सृज॑त । यस्य॑ । वैक॑ङ्कती । ध्रु॒वा । भ॑वति । प्र॒तीति॑ ।



ए॒व । अ॒स्य । आ॒हु॒तय॒ इत्या॒-हु॒तयः॑ । ति॒ष्ठन्ति॑ । अथो॒ इति॑ । प्रेति॑ ।

ए॒व । जा॒यते॑ । ए॒तत् । वै । सु॒चाम् ( ) । रू॒पम् । य॒स्य ।

ए॒व॒रू॒पा इत्ये॒वं – रू॒पाः । सु॒चः । भ॒वन्ति॑ । स॒र्वाणि॑ । ए॒व ।

ए॒नम् । रू॒पाणि॑ । प॒शूनाम्॑ । उ॒पेति॑ । ति॒ष्ठन्ते॑ । न । अ॒स्य ।

अ॒परू॒पमि॒त्यप॑ – रू॒पम् । आ॒त्मन् । जा॒यते॑ ॥ 24 (67)

(जु॒हू – रथो॑ ब्र॒ह्म – सु॒चा॒-स॒प्तद॑श च) (A7)

### TS 3.5.8.1

उ॒पया॒मगृ॑हीतोऽसि॑ प्र॒जाप॑तये॒ त्वा ज्यो॑तिष्मते॒ ज्योति॑ष्मन्तं गृ॒ह्णामि॑

द॒क्षाय॑ दक्ष॒वृधे॑ रा॒तं दे॒वेभ्यो॑ऽग्नि॒ जिह्वे॑भ्यस्त्व॒र्तायु॑भ्य

इ॒न्द्रज्ये॑ष्ठेभ्यो॒ वरु॑णराज॒भ्यो वा॒तापि॑भ्यः॒ पर्जन्या॑त्म॒भ्यो दि॒वे

त्वाऽन्तरि॑क्षाय॒ त्वा पृ॒थिव्यै॑ त्वाऽपे॑न्द्र॒ द्विष॑तो॒ मनो॑ऽप जि॒ज्यास॑तो

ज॒ह्यप॑ यो नोऽरा॑तीयति॒ तं ज॑हि प्रा॒णाय॑ त्वाऽपा॑नाय॒ त्वा व्या॑नाय॒

त्वा स॒ते त्वाऽस॑ते॒ त्वाऽद्भ्य॑स्त्वौष॒धीभ्यो॑ ( ) वि॒श्वेभ्य॑स्त्वा भू॒तेभ्यो॑

यतः॑ प्र॒जा अ॒क्खि॑द्रा॒ अजा॑यन्त॒ तस्मै॑ त्वा प्र॒जाप॑तये॒ विभू॑दाव्.न्ने

ज्योति॑ष्मते॒ ज्योति॑ष्मन्तं जुहोमि ॥ 25

**TS 3.5.8.1 - Padam**

उ॒प॒या॒म॒गृ॒ही॒त इ॒त्यु॒प॒या॒म – गृ॒ही॒तः । अ॒सि॒ । प्र॒जा॒प॒त॒य इति॑  
प्र॒जा–प॒त॒ये । त्वा । ज्यो॒ति॒ष्म॒ते । ज्यो॒ति॒ष्म॒न्त॒म् । गृ॒ह्णामि॑ । दक्षाय॑ ।  
दक्ष॑वृ॒ध इति॑ दक्ष – वृ॒धे॑ । रा॒त॒म् । दे॒वे॒भ्यः॑ । अ॒ग्नि॒जि॒ह्वे॒भ्य  
इ॒त्य॒ग्नि – जि॒ह्वे॒भ्यः॑ । त्वा । ऋ॒ता॒यु॒भ्य इ॒त्यृ॒ता॒यु – भ्यः॑ ।  
इ॒न्द्र॒ज्ये॒ष्ठे॒भ्य इति॑ इ॒न्द्र–ज्ये॒ष्ठे॒भ्यः॑ । वरु॒ण॒रा॒ज॒भ्य इति॑ वरु॒ण॒रा॒ज–भ्यः॑ ।  
वा॒ता॒पि॒भ्य इति॑ वा॒ता॒पि–भ्यः॑ । पर्ज॑न्या॒त्म॒भ्य इति॑ पर्ज॑न्या॒त्म–भ्यः॑ ।  
दि॒वे । त्वा । अ॒न्त॒रि॒क्षाय॑ । त्वा । पृ॒थि॒व्यै । त्वा । अ॒पे॒ति॑ । इ॒न्द्र ।  
द्वि॒ष॒तः । म॒नः । अ॒पे॒ति॑ । जि॒ज्या॑स॒तः । ज॒हि॒ । अ॒पे॒ति॑ । यः । नः ।  
अ॒रा॒ती॒य॒ति॑ । त॒म् । ज॒हि॒ । प्रा॒णा॒ये॒ति॑ प्र – अ॒ना॒य॑ । त्वा ।  
अ॒पा॒ना॒ये॒त्य॒प–अ॒ना॒य॑ । त्वा । व्या॒ना॒ये॒ति॑ वि – अ॒ना॒य॑ । त्वा । स॒ते ।  
त्वा । अ॒स॒ते॑ । त्वा । अ॒द्भ्य॑ इ॒त्यत् – भ्यः॑ । त्वा ।  
ओ॒ष॒धी॒भ्य इ॒त्यो॒ष॒धि–भ्यः॑ ( ) । वि॒श्वे॑भ्यः । त्वा । भू॒ते॒भ्यः॑ । य॒तः॑ ।  
प्र॒जा इति॑ प्र – जाः । अ॒क्वि॒द्राः॑ । अ॒जा॒य॒न्त॑ । तस्मै॑ । त्वा ।  
प्र॒जा॒प॒त॒य इति॑ प्र॒जा – प॒त॒ये॑ । वि॒भू॒दा॒व्.न्न॑ इति॑ वि॒भु – दा॒व्.न्ने॑ ।

ज्यो॒ति॒ष्म॒ते । ज्यो॒ति॒ष्म॒न्त॒म् । जु॒हो॒मि ॥ 25 (64)

(ओष॑धी॒भ्य – श्रु॑तु॒र्द॒श च) (A8)

**TS 3.5.9.1**

यांँ॒वा अ॒ध्व॒र्युश्च॑ यज॑मानश्च दे॒वता॑मन्तरि॒तस्त॒स्या आ वृ॑श्च्येते  
प्राजा॑पत्यं दधि॒ग्रहं॑ गृ॒ह्णी॒यात् प्रजा॑पतिः सर्वा॑ दे॒वता॑ दे॒वता॑भ्य ए॒व  
नि हु॒वाते॑ ज्येष्ठो॒ वा ए॒ष ग्रहा॑णांँ॒यस्यै॑ष गृ॒ह्यते॑ ज्यैष्ठ्य॑मे॒व गच्छ॑ति  
सर्वा॑सांँ॒वा ए॒तद् दे॒वता॑नांँ॒रूपंँ॒यदे॑ष ग्र॒हो यस्यै॑ष गृ॒ह्यते॑  
सर्वा॑ण्ये॒वैनंँ॒रूपा॑णि प॒शूना॑मुपतिष्ठन्त॒ उपया॑मगृहीतो – [ ] 26

**TS 3.5.9.1 - Padam**

याम् । वै । अ॒ध्व॒र्युः । च । यज॑मानः । च । दे॒वता॑म् । अ॒न्तरि॑त  
इत्य॑न्तः – इ॒तः । तस्यै॑ । ए॒ति । वृ॒श्च्ये॒ते इति॑ । प्राजा॑पत्यमि॒ति  
प्राजा॑ – प॒त्यम् । दधि॒ग्रह॑मि॒ति दधि॑ – ग्र॒हम् । गृ॒ह्णी॒यात् ।  
प्रजा॑पतिरि॒ति प्रजा॑ – प॒तिः । सर्वाः॑ । दे॒वताः॑ । दे॒वता॑भ्यः । ए॒व ।  
नीति॑ । हु॒वाते॑ इति॑ । ज्येष्ठः॑ । वै । ए॒षः । ग्रहा॑णाम् । यस्य॑ । ए॒षः ।  
गृ॒ह्यते॑ । ज्यैष्ठ्य॑म् । ए॒व । गच्छ॑ति । सर्वा॑साम् । वै । ए॒तत् ।

दे॒वता॑नाम् । रू॒पम् । यत् । ए॒षः । ग्र॒हः । यस्य॑ । ए॒षः । गृ॒ह्यते॑ ॥

सर्वा॑णि । ए॒व । ए॒नम् । रू॒पाणि॑ । प॒शूनाम् । उपे॑ति । ति॒ष्ठन्ते॑ ।

उप॒याम॑गृहीत इत्युप॒याम॑ – गृ॒हीतः॑ । 26 (50)

### **TS 3.5.9.2**

– ऽसि॑ प्र॒जाप॑तये त्वा ज्योति॑ष्मते ज्योति॑ष्मन्तं गृ॒ह्णामीत्या॑ह  
ज्योति॑रेवैनं॑ समा॒नानां॑ करोत्यग्निजि॒ह्वेभ्य॑स्त्वर्तायु॒भ्य  
इत्या॑हैतावती॒र्वे दे॒वता॑स्ताभ्य ए॒वैनं॑ सर्वा॑भ्यो गृ॒ह्णात्यपे॑न्द्र द्विषतो  
मन॑ इत्याह भ्रातृव्यापनुत्यै प्रा॒णाय॑ त्वाऽपा॒नाय॑ त्वेत्याह प्रा॒णाने॒व  
यज॑माने दधाति तस्मै॑ त्वा प्र॒जाप॑तये वि॒भूदाव्न्ने॑ ज्योति॑ष्मते  
ज्योति॑ष्मन्तं जुहोमी – [ ] 27

### **TS 3.5.9.2 - Padam**

अ॒सि । प्र॒जाप॑तय इति प्र॒जा – प॒तये॑ । त्वा । ज्योति॑ष्मते ।  
ज्योति॑ष्मन्तम् । गृ॒ह्णामि॑ । इति॑ । आ॒ह । ज्योतिः॑ । ए॒व । ए॒नम् ।  
समा॒नाना॑म् । करो॒ति । अ॒ग्निजि॒ह्वेभ्य॑ इत्यग्नि – जि॒ह्वेभ्यः॑ । त्वा ।  
ऋ॒तायु॑भ्य इत्यृ॒तायु॑ – भ्यः॑ । इति॑ । आ॒ह । ए॒तावतीः॑ । वै । दे॒वताः॑ ।  
ता॒भ्यः॑ । ए॒व । ए॒नम् । सर्वा॑भ्यः । गृ॒ह्णाति॑ । अपे॑ति । इन्द्र॑ ।

द्विष॑तः । मनः॑ । इति॑ । आ॒ह । भ्रातृ॑व्यापनु॒त्या इति॑  
भ्रातृ॑व्य – अप॒नु॒त्यै । प्रा॒णाय॑ति प्र – अ॒नाय॑ । त्वा ।  
अ॒पा॒नाय॑त्यप – अ॒नाय॑ । त्वा । इति॑ । आ॒ह । प्रा॒णानि॑ति  
प्र – अ॒नान् । ए॒व । यज॑माने । द॒धाति॑ । तस्मै॑ । त्वा ।  
प्र॒जाप॑तय इति॑ प्र॒जा – प॒तये॑ । वि॒भू॒दाव्.न् इति॑ वि॒भु – दाव्.न्ने॑ ।  
ज्योति॑ष्मते । ज्योति॑ष्मन्तम् । जु॒होमि॑ । 27 (50)

### **TS 3.5.9.3**

–त्या॑ह प्र॒जाप॑तिः सर्वा॑ दे॒वताः॑ सर्वा॑भ्य ए॒वैनं॑ दे॒वता॑भ्यो  
जु॒हो॒त्याज्य॑ग्र॒हं गृ॑ह्णीयात् तेज॑स्कामस्य तेजो॑ वा आ॒ज्यं तेज॑स्व्ये॒व  
भव॑ति सोम॒ग्र॒हं गृ॑ह्णीयाद्–ब्र॒ह्मव॑र्चसकामस्य ब्र॒ह्मव॑र्चसं वै सोमो॑  
ब्र॒ह्मव॑र्चस्ये॒व भव॑ति दधि॒ग्र॒हं गृ॑ह्णीयात् प॒शुकाम॑स्योर्ग्वै द॒द्ध्यूर्क  
प॒शव॑ ऊ॒र्जेवा॑स्मा ऊ॒र्जं प॒शून्व॑ रुन्धे ॥ 28

### **TS 3.5.9.3 - Padam**

इति॑ । आ॒ह । प्र॒जाप॑तिरिति॑ प्र॒जा – प॒तिः । सर्वाः॑ । दे॒वताः॑ ।  
सर्वा॑भ्यः । ए॒व । ए॒नम् । दे॒वता॑भ्यः । जु॒होति॑ ।

आज्यग्र॒हमि॒त्याज्य॑ – ग्र॒हम् । गृ॒ह्णी॒यात् । तेज॑स्का॒मस्येति॑  
 तेजः॑ – का॒मस्य॑ । तेजः॑ । वै । आज्य॑म् । तेज॑स्वी । ए॒व । भ॒वति॑ ।  
 सोम॑ग्र॒हमिति॑ सोम॑ – ग्र॒हम् । गृ॒ह्णी॒यात् । ब्र॒ह्मव॑र्च॒सका॒मस्येति॑  
 ब्र॒ह्मव॑र्च॒स – का॒मस्य॑ । ब्र॒ह्मव॑र्च॒समिति॑ ब्र॒ह्म – व॑र्च॒सम् ।  
 वै । सोमः॑ । ब्र॒ह्मव॑र्च॒सीति॑ ब्र॒ह्म – व॑र्च॒सी । ए॒व । भ॒वति॑ ।  
 दधि॑ग्र॒हमिति॑ दधि॑ – ग्र॒हम् । गृ॒ह्णी॒यात् । प॒शुका॑म॒स्येति॑  
 प॒शु – का॒मस्य॑ । ऊ॒र्क् । वै । दधि॑ । ऊ॒र्क् । प॒शवः॑ । ऊ॒र्जा । ए॒व ।  
 अ॒स्मै । ऊ॒र्जम् । प॒शून् । अ॒वेति॑ । रु॒न्धे ॥ 28 (43)

(उ॒प॒या॒मगृ॑हीतो – जु॒होमि॑ – त्रि॒च॒त्वा॒रि॒ञ्श॒च्च) (A9)

**TS 3.5.10.1**

त्वे क्र॒तुम॑पि वृ॒ज्जन्ति॑ वि॒श्वे द्वि॒र्यदे॑ते त्रि॒र्भव॑न्त्यू॒माः ।  
 स्वा॒दोः स्वा॑दी॒यः स्वा॒दुना॑ सृ॒जा सम॑त ऊ॒ षु म॒धु म॒धुना॑ऽभि यो॒धि ।  
 उ॒प॒या॒मगृ॑हीतोऽसि प्र॒जाप॑तये त्वा जु॒ष्टं गृ॑ह्णाम्येष ते यो॒निः  
 प्र॒जाप॑तये त्वा ॥

प्रा॒णग्र॒हान् गृ॒ह्णात्ये॒तावद् वा अ॒स्ति याव॒देते॒ ग्रहाः॒ स्तोमा॒श्छन्दा॑ँसि  
पृ॒ष्ठानि दि॒शो याव॒देवा॒स्ति त – [ ] 29

**TS 3.5.10.1 - Padam**

त्वे इति॑ । क्र॒तुम् । अ॒पीति॑ । वृ॒ज्जन्ति॑ । वि॒श्वे॑ । द्विः॑ । यत् । ए॒ते ।  
त्रिः॑ । भ॒वन्ति॑ । ऊ॒माः ॥ स्वा॒दोः । स्वा॒दीयः॑ । स्वा॒दुना॑ । सृ॒ज ।  
स॒मिति॑ । अ॒तः । उ । स्वि॒ति । म॒धु । म॒धुना॑ । अ॒भीति॑ । यो॒धि ॥  
उ॒पया॒मगृ॒हीत॑ इत्यु॒पया॒म – गृ॒हीतः॑ । अ॒सि । प्र॒जाप॑तय इति  
प्र॒जा – प॒तये॑ । त्वा । जु॒ष्टम् । गृ॒ह्णामि॑ । ए॒षः । ते । यो॒निः ।  
प्र॒जाप॑तय इति प्र॒जा – प॒तये॑ । त्वा ॥ प्रा॒णग्र॒हानिति॑ प्रा॒ण-ग्र॒हान् ।  
गृ॒ह्णाति॑ । ए॒तावत् । वै । अ॒स्ति । याव॒त् । ए॒ते । ग्र॒हाः । स्तो॒माः ।  
छन्दा॑ँसि । पृ॒ष्ठानि । दि॒शः । याव॒त् । ए॒व । अ॒स्ति । तत् । 29 (50)

**TS 3.5.10.2**

–द॒व रु॒न्धे ज्ये॒ष्ठा वा ए॒तान् ब्रा॒ह्मणाः॑ पु॒रा वि॒दाम॑क्रन् तस्मा॒त् तेषा॑ँ  
स॒र्वा दि॒शोऽभि॑जिता अ॒भूवन्॑ । य॒स्यैते॑ गृ॒ह्यन्ते॑ ज्यै॒ष्ठ्यमे॒व ग॑च्छत्य॒भि  
दि॒शो ज॑यति पञ्च गृ॒ह्यन्ते॑ पञ्च दि॒शः स॒र्वास्वे॒व दि॒क्ष्व-वृ॑द्ध॒न्नुव॑न्ति

न॒वन॒व गृ॒ह्यन्ते॑ न॒व वै पु॒रु॒षे प्रा॒णाः प्रा॒णाने॒व यज॑मानेषु दधति  
प्रा॒यणी॑ये चोद॒यनी॑ये च गृ॒ह्यन्ते॑ प्रा॒णा वै प्रा॒णग्र॒हाः – [ ] 30

**TS 3.5.10.2 - Padam**

अ॒वेति॑ । रु॒न्धे । ज्ये॒ष्ठाः । वै । ए॒तान् । ब्रा॒ह्म॒णाः । पु॒रा । वि॒दाम् ।  
अ॒क्र॒न् । तस्मा॑त् । तेषा॑म् । सर्वाः॑ । दि॒शः ।  
अ॒भि॒जिता॑ इत्य॒भि – जि॒ताः । अ॒भू॒वन् । यस्य॑ । ए॒ते । गृ॒ह्यन्ते॑ ।  
ज्यै॒ष्ठ्यम् । ए॒व । ग॒च्छ॒ति । अ॒भी॒ति । दि॒शः । ज॒य॒ति । पञ्च॑ ।  
गृ॒ह्यन्ते॑ । पञ्च॑ । दि॒शः । सर्वा॑सु । ए॒व । दि॒क्षु । ऋ॒द्ध॒नु॒वन्ति॑ ।  
न॒वन॒वेति॑ न॒व – न॒व । गृ॒ह्यन्ते॑ । न॒व । वै । पु॒रु॒षे । प्रा॒णा इति॑  
प्र – अ॒नाः । प्रा॒णानि॑ति प्र – अ॒नान् । ए॒व । यज॑मानेषु । द॒ध॒ति ।  
प्रा॒यणी॑य इति प्र – अ॒यनी॑ये । च । उ॒द॒यनी॑य इत्यु॒त् – अ॒यनी॑ये ।  
च । गृ॒ह्यन्ते॑ । प्रा॒णा इति॑ प्र – अ॒नाः । वै ।  
प्रा॒णग्र॒हा इति॑ प्रा॒ण – ग्र॒हाः । 30 (50)

**TS 3.5.10.3**

प्रा॒णैरे॒व प्र॒यन्ति॑ प्रा॒णैरु॑द् यन्ति द॒श॒मेऽह॑न् गृ॒ह्यन्ते॑ प्रा॒णा वै  
प्रा॒णग्र॒हाः प्रा॒णेभ्यः॑ ख॒लु वा ए॒तत् प्र॒जा यन्ति॑ यद् वा॒मदे॒व्यं



ॐ॒यो॒ने॒श्च॒यव॑ते द॒श॒मे॒ऽह॒न् वाम॑दे॒व्यं ॐ॒यो॒ने॒श्च॒यव॑ते  
यद्-द॒श॒मे॒ऽह॒न् गृ॒ह्यन्ते॑ प्रा॒णेभ्य॑ ए॒व तत् प्र॒जा न॑ य॒न्ति ॥ 31

**TS 3.5.10.3 - Padam**

प्रा॒णैरि॑ति प्र – अ॒नैः । ए॒व । प्र॒यन्ती॑ति प्र – य॒न्ति ।  
प्रा॒णैरि॑ति प्र – अ॒नैः । उ॒दि॒ति । य॒न्ति । द॒श॒मे । अ॒ह॒न् । गृ॒ह्यन्ते॑ ।  
प्रा॒णा इति॑ प्र – अ॒नाः । वै । प्रा॒णग्र॑हा इति प्रा॒ण – ग्र॒हाः ।  
प्रा॒णेभ्य॑ इति प्र – अ॒नेभ्यः॑ । ख॒लु । वै । ए॒तत् । प्र॒जा इति॑  
प्र – जाः । य॒न्ति । यत् । वा॒म॒दे॒व्यमि॑ति वा॒म – दे॒व्यम् । यो॒नैः ।  
च्य॑वते । द॒श॒मे । अ॒ह॒न् । वा॒म॒दे॒व्यमि॑ति वा॒म – दे॒व्यम् । यो॒नैः ।  
च्य॑वते । यत् । द॒श॒मे । अ॒ह॒न् । गृ॒ह्यन्ते॑ ।  
प्रा॒णेभ्य॑ इति प्र – अ॒नेभ्यः॑ । ए॒व । तत् । प्र॒जा इति॑ प्र – जाः ।  
न । य॒न्ति ॥ 31 (37) (तत् – प्रा॒णग्र॑हाः – स॒प्तविं॑शच्च) (A10)

**TS 3.5.11.1**

प्र दे॒वम् दे॒व्या धि॒या भर॑ता जा॒तवे॑दसं ।  
ह॒व्या नो॑ वक्ष॒दानु॑षक् ॥

अ॒यमु॒ ष्य॑ प्र॒दे॒व॒युर्॑. हो॒ता॒ य॒ज्ञाय॑ नी॒यते॑ ।  
रथो॑ न यो॒रभी॑वृ॒तो घृ॑णी॒वान् चे॒तति॑ त्मना॑ ॥  
अ॒यम॒ग्निरु॑रु॒ष्यत्य॑मृ॒तादि॒व जन्म॑नः ।  
सह॑स॒श्चि॒त् स॒ही॒यान् दे॒वो जी॒वात॑वे कृ॒तः ॥  
इ॒डाया॑स्त्वा प॒दे व॒यं ना॒भा पृ॑थि॒व्या अ॒धि ।  
जा॒तवे॒दो नि॒ धी॒म॒ह्यग्ने॑ ह॒व्याय॑ वोढ॒वे ॥ 32

**TS 3.5.11.1 - Padam**

प्रे॒ति । दे॒वम् । दे॒व्या । धि॒या । भ॒रत॑ । जा॒तवे॒दस॒मिति॑  
जा॒त – वे॒दस॒म् ॥ ह॒व्या । नः॑ । व॒क्षत् । आ॒नु॒षक् ॥ अ॒यम् । उ॒ ।  
स्यः॑ । प्रे॒ति । दे॒व॒युरि॑ति दे॒व-युः॑ । हो॒ता॒ य॒ज्ञाय॑ । नी॒यते॑ ॥ रथः॑ ।  
न । योः॑ । अ॒भी॒वृ॒त इ॒त्यभि॑ – वृ॒तः । घृ॑णी॒वान् । चे॒तति॑ । त्मना॑ ॥  
अ॒यम् । अ॒ग्निः । उ॒रु॒ष्यति॑ । अ॒मृ॒तात् । इ॒व । जन्म॑नः ॥ सह॑सः ।  
चि॒त् । स॒ही॒यान् । दे॒वः । जी॒वात॑वे । कृ॒तः ॥ इ॒डायाः॑ । त्वा । प॒दे ।  
व॒यम् । ना॒भा । पृ॑थि॒व्याः । अ॒धि ॥ जा॒तवे॒द इति॑ जा॒त – वे॒दः ।  
नी॒ति । धी॒म॒हि । अ॒ग्ने॑ । ह॒व्याय॑ । वोढ॒वे ॥ 32 (50)

**TS 3.5.11.2**

अग्ने॑ विश्वे॑भिः॑ स्व॒नीक॑ दे॒वैरू॒र्णाव॑न्तं प्रथ॒मः॑ सी॒द॒ योनिं॑ ॥  
कु॒लायि॑नं घृ॒तव॑न्तं स॒वित्रे॑ य॒ज्ञं न॑य॒ यज॑मानाय सा॒धु ॥  
सी॒द॒ होतः॑ स्व॒ उ॒ लोके॑ चि॒कित्वा॑न्त्सा॒दया॑ य॒ज्ञं सु॒कृत॑स्य॒ योनौ॑ ॥  
दे॒वावी॑र्दे॒वान् ह॒विषा॑ यजा॒स्यग्ने॑ बृ॒हद्-य॑ज॒माने॑ वयो॒ धाः ॥  
नि होता॑ होतृष॒दने॑ वि॒दान॑स्त्वेषो दी॒दिवा॑ अ॒सद॑त् सु॒दक्षः॑ ।  
अ॒द॒ब्धव्र॑तप्र॒मति॑र्वसिष्ठः॒ सह॑स्रं॒ भरः॑ शु॒चिजिह्वा॑ अ॒ग्निः ॥

त्वं दू॒तस्त्व - [ ] 33

**TS 3.5.11.2 - Padam**

अग्ने॑ । विश्वे॑भिः । स्व॒नीके॑ति सु - अ॒नीक॑ । दे॒वैः ।  
ऊ॒र्णाव॑न्तमित्यू॒र्णा-व॑न्तम् । प्रथ॒मः । सी॒द॒ । योनिं॑ ॥ कु॒लायि॑नम् ।  
घृ॒तव॑न्तमि॒ति घृ॒त - व॑न्तम् । स॒वित्रे॑ । य॒ज्ञम् । न॑य॒ । यज॑मानाय ।  
सा॒धु ॥ सी॒द॒ । होतः॑ । स्वे । उ॒ । लोके॑ । चि॒कित्वा॑न् । सा॒दय॑ ।  
य॒ज्ञम् । सु॒कृत॑स्येति सु - कृ॒तस्य॑ । यो॒नौ ॥ दे॒वावी॑रिति॒  
दे॒व - अ॒वीः । दे॒वान् । ह॒विषा॑ । यजा॒सि । अग्ने॑ । बृ॒हत् ।

यज॑माने । वयः॑ । धाः॑ ॥ नीति॑ । होता॑ । होतृ॑षद॒न इति॑ होतृ॑-सद॒ने ।  
विदा॑नः । त्वे॒षः । दी॒दि॒वान् । अ॒सद॒त् । सु॒दक्ष॑ इति॑ सु – दक्षः॑ ॥  
अद॑ब्धव्रतप्रमतिरित्यद॑ब्धव्रत – प्र॒मतिः॑ । वसि॑ष्ठः ।  
सह॒स्रं॒भर॑ इति॑ सह॒स्रं – भ॒रः । शुचि॑जिह्व इति॑ शुचि॑ – जिह्वः॑ ।  
अ॒ग्निः ॥ त्वम् । दू॒तः । त्वम् । 33 (50)

**TS 3.5.11.3**

मु॒ नः पर॑स्पास्त्वं ँव॑स्य आ वृष॑भ प्र॒णेता ।  
अ॒ग्ने तो॑कस्य न॒स्तने॑ त॒नूना॑मप्रयुच्छन् दी॒द्यद् बो॑धि गो॒पाः ॥  
अ॒भि त्वा॑ दे॒व स॒वि॒तरी॑शानं॒ ँवा॑र्याणां ।  
सदा॑ऽवन् भा॒गमी॑महे ॥  
म॒ही द्यौः पृ॑थि॒वी च॑न इ॒मं य॒ज्ञं मि॑मिक्षतां ।  
पि॒पृतां॑ नो भ॒रीम॑भिः ॥  
त्वा॒मग्ने॑ पुष्क॒राद॑द्ध्यथ॒र्वा नि॑रमन्थत ।  
मू॒द्धर्नो॑ वि॒श्वस्य॑ वा॒घतः॑ ॥  
तमु॑ – [ ] 34

**TS 3.5.11.3 - Padam**

उ । नः । पर॒स्पा इति॑ परः – पाः । त्वम् । वस्यः॑ । एति॑ । वृष॒भ ।  
प्र॒णेतेति॑ प्र – ने॒ता ॥ अ॒ग्ने॑ । तो॒कस्य॑ । नः । तने॑ । त॒नूनाम्॑ ॥  
अप्र॑युच्छ॒नित्यप्र॑ – यु॒च्छन् । दी॒द्यत् । बो॒धि । गो॒पा इति॑ गो-पाः ॥  
अ॒भीति॑ । त्वा । दे॒व । स॒वितः॑ । ई॒शान॑म् । वा॒र्या॑णाम् ॥ सदा॑ ॥  
अ॒वन् । भा॒गम् । ई॒महे ॥ म॒ही । द्यौः । पृ॒थि॒वी । च । नः । इ॒मम् ।  
य॒ज्ञम् । मि॒मिक्ष॑ताम् ॥ पि॒पृता॑म् । नः । भरी॑मभिरिति॑ भरी॑म-भिः ॥  
त्वा॒म् । अ॒ग्ने । पु॒ष्करा॑त् । अधी॑ति । अथ॑र्वा । नि॒रिति॑ । अ॒मन्थ॑त ॥  
मूर्द्ध॑नः । वि॒श्वस्य॑ । वा॒घतः॑ ॥ तम् । उ । 34 (50)

**TS 3.5.11.4**

त्वा द॒दध्य॑ङ् ऋषिः॑ पु॒त्र ई॒धे अथ॑र्वणः ।  
वृ॒त्रह॑णं पु॒रन्द॑रं ॥  
तमु॑ त्वा पा॒थ्यो वृषा॑ समी॒धे दस्यु॑हन्त॒मं ।  
ध॒नञ्ज॑य॒ रणे॑रणे ॥  
उ॒त ब्रु॑वन्तु ज॒न्तव॑ उ॒दग्नि॑र्वृ॒त्रहा॑ज्जनि ।

ध॒न॒ञ्ज॒यो र॒णैरणे॑ ॥

आ य॑ ह॒स्ते न॒ खादि॒न॒ शिशुं॑ जा॒तं न बिभ्र॑ति ।

वि॒शा॒म॒ग्नि॑ स्व॒द्ध्व॒रं ॥

प्र दे॒वं दे॒ववी॑तये॒ भर॑ता व॒सुवि॑त्त॒मं ।

आ स्वे॑ यो॒नौ नि॑ षी॒दतु॑ ॥

आ – [ ] 35

**TS 3.5.11.4 - Padam**

त्वा । द॒द्ध्य॑ङ् । ऋ॒षिः । पु॒त्रः । ई॒धे । अ॒थर्व॑णः ॥ वृ॒त्र॒ह॒णमि॑ति॒

वृ॒त्र – ह॑नम् । पु॒र॒न्द॒रमि॑ति॒ पु॒रं – द॒रम् ॥ तम् । उ॒ । त्वा । पा॒थ्यः ।

वृ॒षा । स॒मि॒ति॒ । ई॒धे । द॒स्यु॒ह॒न्त॒ममि॑ति॒ द॒स्यु – ह॑न्त॒मम् ॥

ध॒न॒ञ्ज॒यमि॑ति॒ ध॒नं – ज॒यम् । र॒णैरणे॑ इति॒ र॒णै – र॒णे ॥ उ॒त ।

ब्रु॒व॒न्तु । ज॒न्त॒वः । उ॒दि॒ति॒ । अ॒ग्निः । वृ॒त्र॒हे॒ति॒ वृ॒त्र – हा । अ॒ज॒नि ॥

ध॒न॒ञ्ज॒य इति॑ ध॒नं – ज॒यः । र॒णैरणे॑ इति॒ र॒णै – र॒णे ॥ ए॒ति॒ । यम् ।

ह॒स्ते । न । खा॒दि॒नम् । शि॒शुम् । जा॒तम् । न । बिभ्र॑ति ॥ वि॒शाम् ।

अ॒ग्निम् । स्व॒द्ध्व॒रमि॑ति सु – अ॒ध्व॒रम् ॥ प्रेति॑ । दे॒वम् । दे॒ववी॑तय  
इति॑ दे॒व – वी॒तये॑ । भर॑त । व॒सु॒वित्त॑ममि॑ति व॒सु॒वित्-त॒मम् ॥ एति॑ ।  
स्वे । यो॒नौ॑ । नी॒ति । सी॒दतु॑ ॥ एति॑ । 35 (50)

**TS 3.5.11.5**

जा॒तं जा॒तवे॑दसि प्रि॒यञ् शि॒शी॒ताऽति॑थिं ।  
स्यो॒न आ॑ गृ॒हप॑तिं ॥  
अ॒ग्निना॑ऽग्निः॑ समि॒द्ध्यते॑ क॒विर्गृ॑हप॒तिर्यु॑वा ।  
ह॒व्यवा॑ङ् जु॒ह्वास्यः॑ ॥  
त्वञ् ह्य॒ग्ने अ॒ग्निना॑ वि॒प्रो वि॒प्रेण॑ सन्थ् स॒ता ।  
सखा॑ स॒ख्या समि॒द्ध्यसे॑ ॥  
तं म॑र्जयन्त सु॒क्रतुं॑ पु॒रोया॑वा॒नमा॒जिषु॑ ।  
स्वेषु॑ क्षयेषु॑ वा॒जिनं॑ ॥  
य॒ज्ञेन॑ य॒ज्ञम॑यजन्त दे॒वास्त॑ानि ध॒र्माणि॑ प्रथ॒मान्या॑सन् ।  
ते ह॒ नाकं॑ म॒हिमा॑नः सचन्ते यत्र ( ) पूर्वे॑ सा॒द्ध्याः  
सन्ति॑ दे॒वाः ॥ 36

**TS 3.5.11.5 - Padam**

जा॒तम् । जा॒तवे॑द॒सीति॑ जा॒त – वे॒दसि॑ । प्रि॒यम् । शि॒शी॒त ।  
अति॑थिम् ॥ स्यो॒ने । ए॒ति । गृ॒हप॑तिमि॒ति गृ॒ह – प॒तिम् ॥ अ॒ग्निना॑ ॥  
अ॒ग्निः । स॒मिति॑ । इ॒द्ध्यते॑ । क॒विः । गृ॒हप॑तिरि॒ति गृ॒ह – प॒तिः ।  
यु॒वा ॥ ह॒व्यवा॑डि॒ति ह॒व्य – वा॒ट् । जु॒ह्वास्य॑ इति जु॒हु – आ॒स्यः ॥  
त्वम् । हि । अ॒ग्ने । अ॒ग्निना॑ ॥ वि॒प्रः । वि॒प्रेण॑ । स॒न् । स॒ता ॥  
स॒खा ॥ स॒ख्या ॥ स॒मिद्ध्य॑स इति सं – इ॒ध्यसे॑ ॥ तम् । म॒र्जय॑न्त ।  
सु॒क्रतु॑मि॒ति सु – क्र॒तुम् । पु॒रोया॑वा॒नमि॒ति पु॒रः – या॑वा॒नम् ।  
आ॒जिषु॑ ॥ स्वे॒षु । क्ष॒येषु॑ । वा॒जिन॑म् ॥ य॒ज्ञेन॑ । य॒ज्ञम् ।  
अ॒यज॑न्त । दे॒वाः । ता॒नि । ध॒र्माणि॑ । प्र॒थमा॑नि । आ॒सन् ॥ ते । ह ।  
ना॒कम् । म॒हिमा॑नः । स॒चन्ते॑ । यत्र॑ ( ) । पूर्वे॑ ।  
सा॒द्ध्याः । स॒न्ति । दे॒वाः ॥ 36 (54) (वो॑ढवे – दू॒तस्त्वं – तमु॑ –  
सी॒दत्वा – यत्र॑ – च॒त्वारि॑ च) (A11)



पद पाठे (वाक्य सहित) – तृतीयकाण्डे – पञ्चमः प्रश्नः

Prasna Korvai with starting Padams of 1 to 11 Anuvaakams :-

(पूर्ण – र्षयो – ऽग्निना – ये देवाः – सूर्यो मा – सन्त्वा  
नह्यामि – वषट्कारः स खदिर – उपयामगृहीतोऽसि – यां वै –  
त्वे क्रतुं – प्रदेव – मेकादश )

Korvai with starting Padams of 1, 11, 21 Series of Panchaatis :-

(पूर्णा – सहजान् – तवाग्ने – प्राणैरेव – षट्त्रिंशत्)

First and Last Padam of Fifth Prasnam of Kandam 3:-

(पूर्णा – सन्ति देवाः)

Kanda Korvai with starting Padams of 5 Prasnam of Kandam 3:

(प्रजापतिर् – यो वा – अग्ने – वि वै – पूर्णा – पञ्च)

॥ हरिः ओं ॥

॥ कृष्ण यजुर्वेदीय तैत्तिरीय संहितायां तृतीयकाण्डे पद पाठे पञ्चमः प्रश्नः  
समाप्तः ॥

॥ इति तृतीयं काण्डं ॥

पद पाठे (वाक्य सहित) – तृतीयकाण्डे – पञ्चमः प्रश्नः

**Summary breakup of Padam - in Kaandam 3, Prasnam 5**

Particulars		Example ( in Pada PaaTam)	No. of Padams as per Pada PaaTam
सामान्य पदानि	Ord	इषे । त्वा । ऊर्जे ।	1370
उपसर्ग पदानि	PRE	एति = (आ+इति) । उपेति = (उप+इति) । प्रेति = (प्र+इति) ।	113
वेष्टन पदानि	PS	उपायवः = उपायव इत्युप - आयवः । बाहुभ्याम् = बाहुभ्यामिति बाहु - भ्याम्) ।	299
प्रग्रह पदानि	PG	ते = (ते इति) । त्वे = (त्वे इति) । चक्षुषी = (चक्षुषी इति) । विष्णो = विष्णो इति ।	7
प्रग्रह वेष्टन पदानि	PGS	अधिषवणे = अधिषवणे इत्यधि - सवने । इन्द्राग्री = इन्द्राग्री इतीन्द्र - अग्री	1
<b>Total Padams</b>			<b>1790</b>

**Details of Panchati and Padam for Kandam 3, Prasanam 5 – (TS 3.5)**

	Panchati	Padams
Anuvakam 1	4	225
Anuvakam 2	5	230
Anuvakam 3	2	96
Anuvakam 4	4	193
Anuvakam 5	3	151
Anuvakam 6	3	130
Anuvakam 7	3	167
Anuvakam 8	1	64
Anuvakam 9	3	143
Anuvakam 10	3	137
Anuvakam 11	5	254
Total →	36	1790

**Notes:**

- Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
- Please download our vedic compilations from our web site [www.vedavms.in](http://www.vedavms.in)